


LAMENTATIONES
Obscurorum virorum.

EPISTOLA
D. ERASMI
ROTERODAMI,

Quid de obscuris sentiat, cum cæ-
teris quibusdam, non minus lectu ju-
cundis, quàm scitu neces-
sariis.



LONDINI,
APUD EDITOREM.

ANNO MDC LXXXIX.





OBSCURORUM
EPISTOLÆ,
SIVE
LAMENTATIONES.

I.

SIMON LUTZBUBULARIUS
Joanni Peltzflickerio S. P. D.

*Heu quàm præcipiti mersa profundo
Mens hebet, & propria luce relicta
Tendit in externas ire tenebras!*

Heu me miserum, heu nos infelices,
quàm obscurâ nube nostri cali-
gant oculi, & mentis vigor elan-
guit?

guit? Gavisi quidem eramus nos obscuro
solum REUCHLINISTÆ, & jucundo ma-
nuum plausu, amicorum nostrorum gratu-
labamur epistolis. Sed nescio (hei nobis
miseris!) quid obstreperi rumoris excita-
re nobis videatur,strarum depromptor
lamentationum. Sacræ nos fugiunt Mu-
sæ, Apollo deferit, Charites detestantur.
Melius itaque nobis est ire, nunc ad do-
mum luctus, quam ad domum convivii:
Ejulatione opus est (quantum mihi videre
videor) non exultatione: lacrymis, non
deorum cibo. Vereor admodum, ne dum
simplices ac sinceri Christi fideles, plenè
jam sapere cœperint nostra mysteria; quas
alii nequitias, alii blasphemias, alii verò ne-
bulonum versutias (nescio quo ducti spiri-
tu) appellitant: Vereor inquam, ne & hi,
quorum defensione & assistentiâ in hunc
usque diem, nequicquam gloriati sumus,
in contraria tum versi, Crucis signum ac
indulgentias à nobis impiissimè permer-
dari, Tunicam Jesu Christi pediculosam
nuncupari vestem, Regum corpora Colo-
niæ

niæ reposita, & summis honoribus à maximis quibusque in Ecclesiâ hætenus venerata, veluti rusticos ex Westphalia rideri, & alia his similia, ægrè sint laturi; debitaque tandem animadversione adhibitâ, punire nos omnes pergant, & in sterquilinum infamiæ coniecent. O quàm mihi metuo! nec mendaciis (ut video) nitendum est, nec eorum patri. Juva me obsecro consiliis tuis. Nam siti enectus est Tantalus. Vale diu. Tuitii ex porcinâ Judæorum harâ. Anno M DXVIII.

II.

JOANNES PELTZFLICKERIUS
Simoni Lutzbubulario S. P. D.

ACcepi literas tuas, mi suavissime Joannes, quibus continuò lectis in ecstasi corruì, ac densissimam ferè domus postem capite meo infregissem. Quid multis? Accurrunt amici, confluunt vicini, contrectat venam medicus. His omnibus peractis, ac cœnâ tandem opiparè instructâ, legi assi-

dentibus tuas ad me literas, tacuêre omnes
 qui aderant præ timore: attamen quum
 omnia nobis dicere putarent, rumorem
 vulgò discussum parvi fecêre. Audio ta-
 men (ut ingenuè fatear) quorundam ha-
 beri colloquia, qui poetas quosdam bonos
 & sapientes esse dixerunt, Christi oppro-
 bria deflentes; eosque crucem à nobis
 permerdari & rideri, tristissimo ferre ani-
 mo palam affirmabant. O nos miseros &
 infelices! Non possum te consolari super
 his rebus, quum nihil præ se ferant (ut in-
 ter nos loquimur) probitatis. Omnia in
 præcipiti rotantur. nemo nostrum sit, qui
 non luctu ac mœrore, & in tenebris & in
 umbrâ mortis somniculosâ, instar gliris,
 contabescat. Nulli tamen nostrum concidat
 animus. Plures enim numero Theolo-
 gis sumus: nec illi nos sophisticis suis syl-
 logismis aut libris sententiarum convin-
 cent: qui præter doctores Ecclesiæ lege-
 runt nihil; nec illud quidem Vergilianum
 intelligunt, *Coridon ardebat Alexin.* Vale.
 ex Buckelmunda, Anno quo supra.

III.

JOANNES PELLIFEX
Bernhardo Plumilegio S.

NOvi te esse Astrologum, & capitulum
Valerii Maximi de somniis lectitasse,
te quoque esse haruspicem & necroman-
ticum. Quare te oro atque obsecro, ut
corpore sphaerico ritè diligenterquè à te
perspecto, hoc mihi dissolvas portentum.
Dormitanti mihi hac nocte plurimumque
stertenti tristis quædam imago apparuit,
quæ me in penetralibus intimis cubantem
terrens, quietem somni dulcissimam inter-
rupit; noctis quoque fecit excubias & la-
crymabili voce ac planctu pectoris juxta
lectulum stans, magnos effudit ejulatus.
Quid hæc portendant ignoro: Timeo in-
ferni potius (de quo noster Capnion locu-
tus est) quàm superni Jovis fuisse imagi-
nem, nobisque nonnihil infelicitatis immi-
nere. Vale. ex Leiptzich. Anno quo su-
pra.

IV.

BERNHARDUS PLUMILEGIUS,
Joanni Pellifici S. P. D.

QVas mihi misisti literas, ingratissimæ fuerunt. Addidisti dolorem dolori, & semimortuum penè interfecisti. Non est astrologia opus in tuo somnio discutiendo, non in astris hæc res sita est, sed in hominum nobis adversantium voluntate, Sume prius animum, ne quod nunc scripturus sum, te in terram prosternat. Intravi nuper sacram divæ Virginis ædem, & ecce quidam cucullatus sacerdos, sacre Theologiæ doctor, omnibus illic præsentibus, Breve quoddam Apostolicum ostendit, illiusque sententiam membratim declaravit. Dixit autem in eo contineri, Sanctissimum Dominum nostrum Leonem Papam X. omnibus nobis maledixisse, nosque à nullo in terris sacerdote (exceptâ tamen mortis horâ) absolvi unquam posse. Adjecit quoque id ipsum de impress.

pressoribus, venditoribus & lectoribus intelligendum. Alia insuper in eodem Bre-
vi continentur, quæ magis auditu horrenda sunt. Beatissimum scilicet patrem nostrum Leonem decrevisse, quod Christiani omnes sub pœnâ excommunicationis latae sententiæ, debeant nostras epistolas, cujuscunque etiam sint editionis, intra tres dies comburere; quodque nemo Christi fidelium sub eadem pœnâ, illas unquam legere attentet: quum & in scandalum Christi sint, & totius Ecclesiæ Catholicæ. Postremò præcipit cunctis, ut nostri notitiam habentes suis nos prodant judicibus, quò meritas dare pœnas cogamur vel invitati. Hæc boni consulas velim, teque quantum possibile est, consolere. Nam ego (ut ingenuè tibi fatear) ita sum animo consternatus, ut me fortasse vivum post-hac visurus sis nunquam. Scribe interea cæteris contribulibus nostris rem omnem, ne soli in miseriis esse videamur. Nam dulce est, socium habere in pœnis. Vale. ex Wittenberch, cum sacco per civitatem, &c.

V.

JOANNES PELLIFEX,
Bernhardo Plumilegio. S.

TRistius nunquam habui somnium, se-
veriore nunquam somniorum in-
terpretem. Proh Jupiter! proh dii im-
mortales! proh omnium princeps Musarum
Apollo, quantis nunc arctamur angu-
stis! Nescio quo me consoler, quibus que-
rar, aut quâ insistam viâ. Dolores profe-
ctò inferni nos (ut video) circumdederunt:
ne tamen soli nos (quemadmodum
tibi placet) in miseriarum sterquilinio de-
lituisse videamur, Brevis illius Apostolici
exemplar, priusquam moriar, ad me dato;
ut omnes perfrictâ fronte Reuchlinistas,
trepidatos atque anxios reddam. Tu verò
quas habes epistolas, nolito flammis trade-
re: quia non opus est plura nos sacerdoti
in confessione referre, quam illum scire
velimus. Vale. ex Dulmania: & Bacchum
tui ventris Deum semper adora.

VI.

VI.

BERNHARDUS PLUMILEGIUS,
Joanni Pellifici.

*JAM mala me scabies, jam morbus regius
urget:*

Jam Phanaticus error, & iracunda Diana.

ME miserum! *Sum plena cruoris hirudo.*
Quod mihi de peccatis falsò conf-
tendis scripsisti, summòpere mihi placet.
Possumus quoque hoc festo Paschatis ac
deinde aliis aliquot subsequētibz festis,
vel aliò proficisci, vel non redire domum
absentes; talique ludo nos semper Chri-
stianos agere, donec clarior Phœbus no-
bis illuxerit. Mitto tibi hîscē meis literis
inclusum Brevis Apostolici exemplar:
quod ne in manus Religiosorum veniat,
tui erit officii providere. Paulò validior
sum, & Epicuro suum sagino porcum. Vale.
ex Lyptziek. Præsenti quoque veneno
(quo plurimùm abundas) omnes isthic
Theologos interfice, nosque semper
maximi facito.

LEO PAPA DECIMUS.

UNiversis & singulis presentes literas inspe-
cturis Salutem & Apostolicam benedictio-
nem. Intelligimus non sine gravi animi mole-
stiâ, nonnullos iniquitatis filios, à quorum oculis
Dei atque hominum timor abscescit, improbâ ac
damnabili & temerariâ loquacitate ductos,
quendam libellum famosum, cui titulus est,
**EPISTOLÆ OBSCURORUM VIRO-
RUM**, ad Venerabilem Virum Magistrum Ort-
vinum Gratium Daventriensem Colônia A-
grippina bonas literas docentem, & reliqua ede-
re, & editum imprimi facere, atque ad diversas
orbis provincias, quò eorum temeritas notior fie-
ret, & scandalorum materiam diffusius semina-
rent, mittere præsumpsisse. In quo libello inter
cetera contra Sacræ Theologiæ, & præcipuè Or-
dinis fratrum Predicatorum Professores, & Co-
lonienses ac Parisienses studiorum in eâdem The-
ologiâ Magistros, quorum aliqui nominatim
exprimuntur tot surgia, contumelia, & convi-
tia proferuntur; & aliâs tam spurcè & percu-
lante invehitur, convertendò etiam ad scurrilia
sacra eloquia, ut expediat quantocius pro Chri-
stiana

stiana religionis honore illius lectionem tanquam labem pestiferam à rerum naturâ depelli: Scandalosæ verò hujusmodi garrulitatis auctores debitâ animadversione puniri. Quocirca auctoritate Apostolicâ, tenore presentium omnes & singulos utriusque sexus Christi fideles cujuscunque status, gradus, dignitatis & excellentia sint, requirimus & monemus, eisque sub excommunicationis lata sententia pœnâ, ipso facto quo presentibus non paruerint, incurrendâ: à quâ nonnisi à Romano Pontifice, præterquam in mortis articulo absolvi possint, districtè præcipiendo mandamus. Quatenus infra triduum, quo presentium notitiam habuerint à dicti libelli, ejusque exemplarium lectione perpetuò abstineant, illaque per omnia igne comburant: & qui ipsius libelli auctoris seu ejus exemplarium impressorum vel scriptorum, aut illa tenentium, & comburere negligentium, vel recusantium, seu eorum alicujus notitiam habuerint, eos Ordinariis locorum, in quorum civitatibus vel diœcesibus illi tunc moram trahent, aut eorum Officialibus seu Vicariis per eos debitâ pœnâ afficiendos, infra idem triduum revelent. Injungimus

quoque in virtute sanctæ obedientiæ, & sub eadem poenâ, Ordinariis præfatis, eorumque Vicariis, Officialibus & ministris, ut contra auctores diffamationum & illarum scriptores & impressores hujusmodi, prout delicti qualitas exigit, justitiæ vindictam exerceant, & excommunicationem per nos latam in eos, quos illam incurrisse constiterit, inviolabiliter observari: & tam eisdem Ordinariis quàm parochialium & aliarum Ecclesiarum rectoribus; ut quotiens super hoc pro parte alicujus Predicatorum vel alterius Ordinis Fratrum aut generalium studiorum Magistrorum in Theologiâ fuerint requisiti, præsentem literas vel aliquid ex earum authenticis transsumptis, quibus publici Notarii subscriptione, & alicujus Prelati vel Curie Ecclesiasticæ Sigilli impresioni munitis, fidem ubique decernimus adhibendam, in eorum Ecclesiis dum populi multitudo eò ad divina convenerit, duobus aut tribus diebus Dominicis vel festivis publicari faciat, etiam si expediât, sermone vulgari, ut quantocius fieri possit, tale nefandum scelus quod hæresin sapit, ne ulterius serpat, penitus extirpetur. Non obstantibus constitutionibus

*nibus & ordinationibus Apostolicis caterisque
contrariis quibuscunque. Datum Romæ ad
Sanctum Petrum, sub annulo Piscatoris, die XV.
Martii, M D XVII. Pontificatus nostri an-
no quarto.*

Jacobus Sadoletus.

VII.

JOANNES STRAUSFEDERIUS,

Nicolao Caprimulgio S. P. D.

Multa mihi literis, complura vivo nar-
rant sermone, quæ quantum mihi ac
nostræ conjurationis complicibus displic-
ceant, neque calamo scribere, neque voca-
libus organis explicare possum. Illud ta-
men præterire non valeo, quod nuper à
quodam Jurisconsulto haud vulgariter
erudito, non sine cholæræ motu dictum ac-
cepi. Quando, inquit, Ollilambius unus
de obscurâ Reuchlinistarum aliquot co-
horte, homo nequam salaces suos ac planè
histrionicos persequi volebat jocos, & si-
gnum suæ amicæ in foribus merdâ notare.
lon-

longè rectiùs has literas S. N. sive K. N. sub merdâ, in eo qvem in Alemanicâ lingvâ faciunt sensu. Aut certè, si magis versu id ludere placuisset. Hic os præpone, crucis signo (per qvod redempti sumus) longè pertransito, collocasset. Eo namqve pacto pulchra facetia (ut vestri Leckerii dicunt) taliqve ludò maximè (sicuti dicebat) contigisset. At crucem tam impudentibus rebus adhibere, eamqve permerdare, ac postea de utroqve gloriari, nimis apertè (inqvit) Jesu Nazareni olet blasphemiam. Hæc ille. Ego verò tametsi vera illum loqvi, propriâ dictante conscientiâ non ignorarem, (quum, teste Augustino, conscientia sit mille testes) ipse tamen nostro more & subito calore motus, mala imprecabar plurima, sed sub silentio & prorsus nullo audiente: qvum vulgaris turba, totusqve fermè clerus, pessima quæqve de nobis & sentiat & loqvatur. De contradictionibus autem Zachariæ Lucensis Theologorum amici rectè auguratus est Lutzbularius noster, nam penitus

à nos

à nostris abhorrent institutis. Nullis itaque rebus attentis etiam veris, quæ vel contra nos, vel pro Theologis valere dignoscuntur, hoc unum nobis agendum est, ut noster Reuchlinus apud Rusticanam multitudinem nullatenus decidisse videatur, aut in tenebris nobiscum delitescat. Idcirco astu, fraude, mendacio, & si quid aliud est quo Theologos, etiam falsò, infamare possimus, semper utamur. De veritate enim & iustitiâ nulla nobis certa est spes. Cæterum dii fata secudent, quùm vel Theocrito teste, Vivis duntaxat sperandum sit. Vale diu. Moguntia ex domo luctus & convivii, quam vulgò *Coronam* appellant. Anno quo supra. Saluta nobis poetas quos istic nosti nobis amicos, & Theologis inimicos. Iterum vale.

VIII.

NICOLAUS CAPRIMULGIUS,

Joanni Strausfederio.

Proh Jupiter, proh dii immortales, quàm calamitosam mihi scripsisti epistolam!

stolam ! Utinam me gladio transegisses, ubi me tantis enecasti doloribus. O tremendum apud inferos Plutonium ! Alii nobis ludibrio esse confveverunt, at nos illis modò. Cæca nimium & inconstans (ut video) est fortuna, quæ merito cæcis nobis sui quæque similibus favere debuisset. Quid multa ? Ego cholericus sum, nihil quæque injuriarum pati possum, quibus si iterum vel per literas fuero, vel certo vulgi rumore ante prospectum correptus, laqueo guttur infringam : quia satius est me meis rebus gestis apud inferos florere, quàm hîc sub orbe lunari à Theologis aliquam injuriam pati. Sic fac & vives. Vale. ex Lyp-tzick & saluta nobis Jovem, nostri Apollinis omnium quæque Musarum patrem.

IX.

PETRUS HAPHENMUSIUS,

Francisco Genselino Schel-
moni S. P. D.

TRisti sum patre genitus, matre melan-
cholicâ. Patrum habeo importu-
num,

num, difficilem, qverulum. Amitam quoque cunctis invisam. Non mirum igitur si tristitia tibi nunciem. Accessi nuper Ecclesiam in festo nativitatis Christi, magis ex præcepto quam bonâ voluntate: Et ecce Doctor quidam Zacharias nomine, nemini non dilectus, habebat in manu suâ Breve quoddam Apostolicum, in quo totus Obscurorum grex æternâ maledictione cum omnibus suis complicibus severissimè punitur. Multis itaque in nostri contumeliam coram clero & populo in medium prolatis, stentoreâ coepit voce clamare, O maledicta & execrabilis obscurorum secta! O temerarius histrionum exercitus! O scœdissimi ludionum greges! O impudentissimi in omnes sycophantæ, qui neque Deo parcentes, nec sanctis ejus, viros bonos, pro Ecclesiâ Dei contra Oculare Speculum ad sanguinem usque decertantes, contumeliosis lacerare conbitiis non erubescunt: cum nihil ad rem facientes Capnioni suo plus noceant quam prosint. Hæc & his similia Doctor ille
con-

constanter protulit, in me sæpenumerò
 tortuosos deflectens oculos, Oqvàm mi-
 hi timui miser, cui mors propior erat
 qvàm vita! Nam si vulgaris plebecula
 me unum ex illis esse intellexisset, nun-
 quam vivus rediissem domum: qvum,
 teste Alexandro Gallo, *sit vulgus pelagus in-*
declinabile virus. Vale. ex Norimbergâ.
 Anno qvo supra.

X.

FRANCISCUS GENSELINUS
 SCHELMO,

Haphenmusio Philocapnioni S.P.D.

TRistitia exsiccavit cor meum, & caro
 mea immutata est propter oleum.
 Non sunt mihi nova qvæ scribis, sed
 omnia qvæ in brevi Apostolico continen-
 tur, apud nos invaluêre, & divûm templis
 publicitus affixa, nemo non aspexit. Væ
 nobis insipientibus! qvò subitûs calor,
 quò furor poeticus, qvò insana maledicen-
 di rabies nos maleficos perduxit? Hono-
 rare volumus Joannem Reuchlin patro-
 num nostrum: at æterno illum dedeco-
 re,

re, rectæ rationis obliti, plus æquò commaculavimus. Fecimus quæ nostri fuerunt muneris, licet nemo sapientum (ut sub rosâ tecum loquar) boni illa consulat. Verùm enim verò, ut æquali te dolore extimulem, & par pari censear retulisse, Erasmus ipse Roterodamus, Theologorum disertissimus (hei mihi vereor dicere) in epistolâ quâdam ad Joannem Cæsarium sese à nobis laudatum fuisse, vehementer detestatur. Ne igitur soli sapere videamur, justum tibi illius exemplar his occlusum literis transmittito, ut commissi criminis nos quandoque poeniteat, nos impudentissimos esse ganeones non ignoremus. Vale, ex Friburgâ, sexto Græcorum Kalendas. & Pythagoram tacendo imitare.

EPISTOLA ERASMI ROTERODAMI, quàm hic honoris gratiâ interposuimus, ut ea quæ falsò illi à malevolis imposita fuere, quantocius evanescant.

ERASMUS CÆSARIO SUO S.D.

Ma-

Magnopere mihi displicebant epistole Obscurorum Virorum: jam tum ab initio delectare potuisset facetia, nisi nimium offendisset exemplum. Mihi placent lusus, sed citra cujusquam contumeliam. Sed molestius fuit quod in posteriore editione mei quoque nominis mentionem admiscuerint. Quasi parum fuisset ineptire, nisi nos quoque vocassent in invidiam, & magnam partem fructus tot studiorum laboribus expetiti corrupissent. Ne id quidem satis est visum. En alter libellus priori adsimilis, in quibus crebra mentio fit eorum quibus scio lusus hujusmodi nequaquam probari. Quam male consulunt isti, non solum in seipsos, verum etiam in omnes quibus bona litera chara sunt! Jam illud est omnium molestissimum mihi, si modo verum est, quod mihi istinc reversus famulus meus Jacobus narravit, apud complures haberi Colonia libellum, nescio quem, in Julium Pontificem, quomodo mortuus exclusus sit cælo per Petrum. Audieram jam pridem hujusmodi fabulam actam in Galliâ, ubi talium nugarum immodica licentia semper fuit. Eam opinor aliquis in latinum sermonem transtulit.

Demi-

Demiror quid istis in mentem veniat, cum sic otium & operam perdunt. Caterum admiror esse qui suspicentur tam insignem ineptiam à me profectam, opinor ob id quod sermo fortasse sit paulò latinior. Lusi quidem in Moriâ, sed incruentè: nullius famam nominatim perstrinxi, in mores hominum lusimus, non in famam hominum. Quòd si vera mihi nunciavit famulus (nondum enim satis credo;) quæso te Vir optime, ut istiusmodi nugas impias pro tuâ virili premendas cures, priusquam excudantur. non quod isti digni sunt, quibus hoc præstetur beneficium, sed quod nostrum est, publica studiorum honestati consulere, quam isti talibus lusibus indignè contaminant. Porro quod ad me pertinet, scio neminem fore, qui me nôrit, quin satis intelligat, istiusmodi nanias mihi supra modum displicuisse, quippe indignas eruditis ac probis viris. Jacobo Hornensi multam ex me salutem dicito, ejus epistolâ dici non potest quantopere sim delectatus. De compositâ lite Reuchlinicâ, utinam vera nuncies. Nunciavit mihi quidam Alcmariensis, te alteras ad nos dedisse literas, verum eas nondum accepi.

Bene

*Bene vale doctissime Cafari. Antuerpia po-
stridie assumpta Virginis. Anno MD XVII.*

XI.

JOANNES ARNOLDUS LYRICEN,
Pultronô Cultrifici, totiqve obscu-
rorum cohorti S.P.D.

*VULNEROR, & clausum porto sub pectore
relum,*

*Crescit & assidue plaga dolorque mihi:
Sed ferientis adhuc non audeo dicere nomen,
Nec finit aspectus plaga videre suos.*

Miserum est exturbari fortunis omni-
bus, Patres conscripti, acerbum quo-
que à doctis contemni; acerbius à docto
& sapiente. Quid multa? Magnus ille
Erasmus Sacrae Theologiae Doctor, poeta
& insignis orator, nos veluti pestem quan-
dam detestatur, fugit, insequitur & odit.
Ubi nunc vires nostrae? ubi elatus ani-
mus? ubi nocturnae insidiae? ubi sesquipe-
dalia verba? Hunc nostrum dolorem nul-
la auferet vetustas. Mors est nobiscum
in olla. nulli diem proferre licet. Agi-
mur enim fati, id quod nobis est inevita-
bile.

bile. Homo proponit: Deus verò rem ipsam (ut video) disponit. Nulli sua manet spes.

Quicumque non est hodie, cras minus aptus erit.

Suspendamus igitur nos ipsos in obscuro, ne tam intolerabilibus tamque mortiferis cruciatibus indies exagitemur. Quid vobis animi sit, quæ vires, quod consilium, quæ tandem defensionis nostræ propugnacula, me certiore facitote. Dii bene vertant! Valete diu. Wormiatae ex domo Schelmonis, Judæi malè circumcisi & summâ nobis amicitia conjuncti.

XII.

PULTRONUS CULTRIFEX,

Joanni Arnoldino S.P.D.

Carminibus carmina debentur.

Nil intentatum nostri liquere Poeta,

Nec minimum meruere decus, vestigia

Græca

Ausi deferere & celebrare domestica facta.

Qui nos contemnunt, stulti sunt: viri
B
pro-

profectò sumus, & omnia sine Theseo, & in vanitate non fictâ operamur. Stentoreâ clamamus voce, & arrogantiam velut parentem colimus. Si tu vel Theologos vel Ortwinum times, in malam abi crucem, aut te corvâ in rotis eviscerent. bestia es, nasturtium ede. Excitare, vigila, animum fume. Noli Epimenidis somnium dormire. Quid desperas? Vitulo primum submerso, pateus clauditur.

Exitus acta probabit.

*Scimus inurbanum lepidò seponere dicto,
Legitimumque sonum digitis callemus &
aure.*

Nobis erunt præsidio Judæi. Lurent violæ. Suam quisque domum tueatur.

Tunc tua res agitur, paries cum proximus ardet.

Tu solus es, nostrum verò multi. Quapropter ut tuæ petitioni satisfaciam, si nobis timor incubuerit gravis, Caspios petemus montes, ubi neque Theologi, neque fidei Catholicæ habitant defensores. Si verò te ipse suspenderis, pœnas nolito extime-

timeſcere inferorum. Mortales enim ſumus, & animam fortaffe nobis cum pecudibus communem conſecuti. Vale feliciter cum noſtro Capnione, Moguntia, ex publicâ coronâ, Obscurorum portu. Anno qvo ſupra.

XIII.

CONRADUS DE ZUCCAVIA,

Doctori Grillo, Obscurorum

Advocato, S. P. D.

OMnia nobis adverſa ſunt, Doctor egregie, omnia proſtata ac diruta jacent, clamantqve in plateis & puelli & edentulæ quædam anus, hiſce, prohdoler! verbis nobis illudendo. Os habent, & non videbunt: oculos habent, & non loquuntur: aures habent, & non odorabunt: nares habent, & non audient: manus habent, & non ambulabunt: pedes habent, & non palpabunt, non clamabunt in gutture ſuo. Similes illis fiunt, qui confident in eiſ. His Pſalmiſtæ verbis malè intellectis aliisqve id genus convitiis publicè infeſtamur. Poſuiſti tenebras Gril-

le, & facta est nox, per quam pertransibunt omnes bestię sylvæ. Si bonus vires, si eruditus, si eloquens, hisce maledictionum vinculis nos quamprimùm exsolve. Quod ubi feceris, te Judæi ut Deum suum colent ac venerabuntur, & aureos in Arabia montes pro tuo salario recipies. Lege Marquardum in Institutis, revolve Joannem de Garlandiâ in Legibus, Petrum Helia in Decretis. Mammotrectum in Clementinis, Consule etiam ideas Platonis, quæ olim in Phocide pallentes Apollinis begutæ fuisse dicuntur. Accede nebulo-
 num latebras & fornices, ut eruditior in rebus nostris, & ad omne malum Theologis inferendum audacior fias. Cæterum mihi quàm primum rescribas velim, quid hæc quinqve Arabica verba significant: *Oxus*, *perdoxus*, *reveloxus*, *rammeldipotus*, *rammel-
 diblefen*. & hæc duo Gothica, *Inkus*, *per-
 quinkus*. De his certè nihil scripsit Vergilius in Bucolicis, nec Marcolphus in suis fabulis. Vale Doctor venerande, & po-
 ne ante oculos tuos specillum illud quod
 in

in Speculo Oculari Joannis Reuchlin est depictum, nam per illud instar noctuæ omnia mirabilia mundi videbis. Vale. Ex Lyptzig. die sexto ante festum Sanctæ Saturitatis.

XIV.

DOCTOR GRILLUS,

Conrado Zviggaviensi S.P.D.

ACcepi literas tuas nectare mihi atque ambrosiâ suaviores. Perlegi ferè totum Ovidium, & quos mihi legendos decrevisti; sed non invenio, quo modo vel meipsum vel nostros contribules tueri valeam. Peccavimus, iniquè egimus. Non est inter nos qui faciat bonum, non est usque ad unum. Si enim scribendo & offendendo annis multis, jam primi semper fuimus, necesse est ut modestam & benemeritam adversariorum nostrorum, aut potius in Christo amicorum reprehensionem toleremus. Si vigesies, si quinquagesies, si centies alios indignè læsimus; quare nos semel tangi (& id quidem citra offensionem) non patiemur? *Nequitia est quæ te*

non finit esse senem. Decepti præterea omnes sumus. Credidimus enim defensionem Joannis Reuchlin veram fuisse: at nuncolfacimus (& in libris reverendi Inquisitoris luce clarius continetur) eam esse falsissimam. Folio namque tertio defensionis suæ, facie primâ, hanc sibi Capnion à Cæsareâ Majestate generalem fuisse quæstionem oblatam scribit: Utrum omnes libri Judæorum perimendi sint præter Biblia. quod quàm sit falsum in mandatis imperialibus sæpius impressis deprehenditur. Dicit præterea ibidem (in favoremne Judæorum, an minus, ignoro) neminem ex omnibus Romanis Pontificibus fuisse, qui Judaicorum librorum exterminium petivisset. Hoc certè argumentum etsi (velut negatum) valeat nihil, à Jureconsultis tamen & Ecclesiæ doctõribus contrarium probatur esse verum. Ipsius etiam consilium à nullo (ut accepi) proditum fuit, sed per Illustrissimum Principem Urielem, Archipræsulem Moguntinum, Judicem sive Commissarium à Serenissimo nostro

stro

firo Imperatore constitutum, legitimo (id quod facere debuit) sollicitatori oblatum. Nec concors ab aliquo excogitari ratio potest Capnionis minus quam aliarum universitatum consilia legi à Coloniensibus Doctoribus debuisse. Falsum est etiam, Manuale Speculum Joannis Pepercorni, viri (ut audio) satis eruditi à Coloniensibus Theologis fuisse compositum, quum in Alemaniâ illud superiore impresum ediderit. Cætera relinquemus, quæ si particulatim enarrare voluero, me sit dies defecturus, & non epistolam sed volumen amplissimum scribere cogerer vel invitatus. Si itaque falsis persuasionibus decepti, bonos viros indignè læsimus, conceptionem etiam modestam surdâ aure prætereamus necesse est. Quid autem illa verba significant, *Oxi, perdoxas, reveloxus*, cum cæteris quæ sequuntur, nondum apud Martialem repperi. At Vergilius in xx. libro Æneidos, & Aristoteles in xiii. Physicorum, capitulo nonagesimo nono, circa finem dicunt, proverbium He-

etoris fuisse, occultâ ejus virtute multos Græcorum interemit. Quæ scripsimus, in scrinio tui pectoris conserventur. Sigillum autem quod vides, mihi commo- dato dedit Jacobus Johel Judæus quin- quies circumcissus, & bonus Reuchlinista. Vale, Ex Tuitio, decimo sexto nonas A- priles.

XV.

JOANNES PELLIFEX,

Secundus in ordine Obscurorum, suo Ca-
pnioni Thalmudistæ S.P.D.

SCripfi aliâs, ut nosti, Ortyvino Gratio
sacerdoti Theologorum, ridens sche-
ma: finxiqve in secundâ Obscurorum
epistolâ me talari veste deceptum, Judæo
Theologiæ Doctoris loco, publicâ in pla-
teâ, maximam habuisse reverentiam, Pa-
palem quoque nonnullis & episcopalem
in foro animæ concessam auctoritatem,
hæreticorum more detestatus sum. Quod
cùm uni Prædicatorum nuper confiterer,
nihil consolationis accepi, ille enim diffici-
lis, qverulus, anceps & morosus me absol-
vere

vere recusavit. Attonito autem mihi plurimumque admiranti, ac planè stupido, apertissimè dixit, neque se neque alios sacerdotes (etiamsi summus Pontifex esset) nos gravibus illis peccatis, commissisque sceleribus & publicis criminibus atque blasphemis exsolvere posse, nisi publicè prius revocatione à nobis factà, publicè susciperemus poenitentiam. Ecce quanta pro te patimur mi Capnion? quibus exagitamur discriminibus? quos sentimus dolores? Si propheta es, si orator & poëta, si tertius Cato, ac noster tandem patronus, consule obsecro mihi, quid sit opportunum factu. Salutat te plurimum uxor Pepericorni, & Laurentius Pepericornus filius Joannis, doctus adolescens. Qui Coloniae in Laureto (quod Græci *Daphnona* vocant) bonis artibus operam impendit, tibi que non parum minatur. Vale. ex Mollem in festo Bacchi.

XVI.

CAPNION PHORCENSIS,
Joanni Peltzflickerio resipiscientiam.

SI malè scripsisti, malè tibi sacerdotes respondere oportebit. Est enim æquum & salutare. Nihil pro me pateris bestia: nec propheta ego sum, neque Obscurorum Patronus: quanquam meæ literæ ante annos aliquot Colonienſibus miſſæ, idipſum approbare videntur. Dii deæque, inferi quoque & ſuperi vos omnes perdant. Non ſum reus ipſe illorum criminum originarius. Nauſeam habeo ſuper cibo veſtro leviſſimo. Diſplicent mihi epistolæ veſtræ. Neminem urſi neque levavi. Convitiſſimum ac blaſphemiarum conſcribendarum munus vobis commiſi nunquam. Tacita igitur tibi ſudent præcordia culpa. Vos enim obſcuriſſimi nebulones, omniumque hiſtrionum primi, ſumum mihi Pontificem ac omnes bonos per totum pene terrarum orbem inimicos feciſtis. Quapropter ſuſpenſos vos eſſe vellem in furcam, aut à Cerbero inferorum cane diſcerptos, Vâle infelicitè. Ex Stutgardia in profeſto Jovis, veri & immortalis poëtantium Dei.

• XVII. •

M. HILDBRANDUS MAMMACEUS,
Doctor in compositis verborum, &
plus si vellet, Conrado Zvigga-
vienti Poetæ larvato,
S.D.

PROverbium est apud nos mi charissi-
me Conrade, Plus oculos videre quàm
oculum. Doctor itaque Joannes Reuch-
lin est valde subtilis, acer ac vehemens in
scriptis suis, nec est aliquis in mundo, qui
vel ipsius contumeliis, vel Oculari Speculo
respondere possit. Quare igitur Theo-
logi, se tam insigni tamque glorioso ho-
mini opponunt? Potius fortasse more-
retur, quàm convitiis parceret. Vale feli-
citer. Datum ex Tubingâ.

XVIII.

CONRADUS DE ZWIGGAVIA,
Domino Hildbrando Mammaceo no-
varum dictionum fabro
S.D.P.

VIdi literas tuas, nec vidi solum, sed di-
ligenter perlegi. Satis es circumspe-
ctus

Etus in rebus tuis, nec est sub orbe lunari
 homo, qvi tua possit mali consulere: felix
 qvi nihil debet. Quæ dubitas ne fece-
 ris. Hic enim Corycæus est qvi plus æ-
 quo ad rem auscultat. Lauda igitur par-
 cè, at parcius vitupera. Ego tamen quia
 sum Pompili circulo sextus, paucis tibi re-
 spondere volui. Vale. Ex Noribergâ, &
 Cimmeriis te semper tenebris involve.

XIX.

GVILHELMUS CAPNIOLAMBIUS,

Matthæo Mellilambio, S.P.D.

COmplures mihi retulerunt, Vir huma-
 nissime, Joannem Reuchlin legum
 Doctorem valde benè & cum maximis
 honoribus in urbe Romanâ contra Theo-
 logos stare. Hoc tamen ego credere nè-
 quaquam possum. Nam si Stutgardiaë
 apud Svevos feliciter habitat, & ibi in læ-
 titiâ vivit, non potest stare in urbe Roma-
 nâ. Quis enim in uno & eodem loco si-
 mul & semel esse posset? Nihil affers, fi-
 lius es terræ, lapidemque mordēs, & sapi-
 entia in primis tua vino obumbratur.

Va-

Vale. ex Francofordiâ, tutissimo Judæorum portu.

XX.

MATTHÆUS MELLILAMBIUS,

Gvilhelmo Capniolambio S.

Non stat in urbe Romanâ Capnion ipse, sed quiescit ac sedet in Stutgardia; illumque jussit Plato sub arbore Porphyriana quiescere. Petiit sæpenumero concordiam cum Theologis, non solum Moguntia, sed in urbe etiam (ut audio) Romanâ. Ipsi tamen Theologi generosam habere malunt pro Christo litem, quam iniquam in fide concordiam. Cum autem sedes Apostolica voluerit, Gordii nodum dissolvat, ne tanta posthac in Ecclesiâ Dei scandala invalescant. Vale. ex Moguntia. xxv. Nonas Martias.

XXI.

PETRUS NEGELINUS,

Stephano Calvastrio S.P.D.

Nuptiæ mihi habendæ sunt in Zutphordia. Despondi enim sororem meam uni Poëtæ tali quali, de numero Obscuro-

rum Virorum. Quapropter te oro atque obsecro, ut mihi unam tunicam commo-
dato dare velis, illa enim dominus opus
habet. Nam qui malè est calceatus, sordi-
dis pedibus coenaculum ingrediatur ne-
cessè est. Vale feliciter, & agamus omnia
pingui Minervâ. Datum in montibus Ci-
salpinis, Anno quo supra.

XXII.

STEPHANUS CALVASTRIUS,
Metrifex Petro Negelino S. D.

Tunicam quam à me petis habeo nul-
lam. Ego Apostolorum exemplo
unâ duntaxat contentus sum, & ambulo
per totam cum sacco civitatem. Nisi ju-
dex Apostolicus nuper mihi adjumento
fuiſſet, excommunicationis procul dubio
sententiam propter importunitatem cre-
ditorum meorum jam diu incurrissem.
Non possum igitur tibi commodato dare tu-
nicam meam. Nam teste Alexandro Gallo.

Unum mutabis, donec plurale videbis.

Festum Valentini præteriit, æstas ap-
propinquat, flores oriuntur, non est tibi
toga

toga opus. Vale ex Monasterio, pridie Kalendas Ægyptias, & Epimenidis somnium semper dormita.

XXIII.

SCHELMO SCHELMONIS,
Genselino Genseliano, & Marcolphi ex sorore nepoti S.D.P.

Audio te in grammaticis disciplinis unum esse omnium eruditissimum: quapropter te oro atque obsecro, ut mihi quamprimum scribas, quot nam sint in Donato aves? quid præterea comedant, quo deinde avolare consueverunt, & quot sunt ibidem metra? Hæc enim si mihi cognita essent, Theologos disputando obumbrarem. Vale, ex Buckelmundâ; duodecimâ idus Septembres: & cave ne anseres nostri inter olores strepant.

XXIV.

GENSELINUS SCHELMONI SUO
S. P. D.

Recte agis mi charissime Schelmo, tam quod eruditos consulis, tum quod tibi ipsi confidere non audes.
Nisi

Nisi Tibullum profiterer & Nasonis amores, tibi certè respondere non possem. Sybillâ tamen hîc non est opus interprete. Tres sunt in Donato aves, passer, aquila, milvus; quæ fructus & species comedentes in antiquam sylvam avolarunt. Ad ultimum verò tria duntaxat comperi in Donato metra. Primum,

Arma sub adversâ posuit radiantia quercu.

Secundum,

*Multa super Priamo rogitans, super Hector
re multa.*

Tertium, ut, *docuissimus, docuissetis, docuissent.*

Cave mi charissime Schelmo, ne hæc occulta Minervæ mysteria Theologis manifestes: quum neque in libris Sententiarum, neque in Secundâ Secundæ tam præclara inveniantur. Vale ex Hercyniâ sylvâ, & asinum imitare, qui magis stramina optat quàm aurum.

XXV.

PULTRONUS SYCOPHANTA,
Murcidæ Lyripipiano S.P.D.

Vi.

Video eqvidem nostrum aliquot vehementer suis gaudere convitiis, & epistolarum nostrarum lectione plurimum delectari. Contra autem viri graves (proh pudor! nefas est dicere) faciem suam avertunt, & vix lupanaribus dignas, imò flammis & facibus congruas expressè pronunciant. O inconstantem rerum omnium vicissitudinem. quantum mihi videre videor, extrema gaudii luctus occupabit: nosterque natalis *nigro notandus lapillo*, inter nefastos computabitur. Vale, ex Franconiâ cum tuis contribulibus: & omnes hamadriades ac Oreades meo nomine plurimum salutato.

XXVI.

LYRIPPIANUS PULTRONO

suo S.P.D.

Quas mihi scripsisti literas, minimè plauerunt. Si summus Pontifex, si magnus ille Erasmus, si viri sapientes & boni denique omnes nostras contemnunt epistolas, illorum etiam contemnamus sententiam necesse est. Experire obsecro,
quo-

quomodo vestris isthic histrionibꝫ ac parasitis nostræ placeant Obscurorum Epistolæ. Docti omnes sumus, neque Scotum timemus neque Plutonem. Experire inquam, quàm sint & meretriculis grata. Est enim risus in illis multus, qui & tristem apud Inferos Plutonem, manesque sepultos ad cachinum excitare queat, mortuosque ad vitam revocare. Sed quid de risu tantum: jocos nostri salebrosos ludosque theatrales suis adjecere epistolis, ut varietas ipsa (quæ teste Politiano lectionum est irritatrix) blandissimum quemque lectorem non possit non delectare. Secuti mehercule sumus patres nostros, qui jocos Deæ Veneris (cujus & nos affecti sumus) filium esse voluere. Quid igitur risu blandius? quid joco jucundius? quid Venere suavius? quæ prolem suam non potest non amare. Loquantur Theologi quæ velint, nobis vivendum est more nostro. Vale, ex monte Parnasso. Vale obsecro. Te enim anxie deperit Gallio-pæ Musarum omnium Musa. Iterum vale.

le. Tu quid sentis nobis quamprimum rescribere, & esto Epicurus subans.

XXVII.

PETRUS OLFONTIANUS,

Nicolao Haversack, S. P. D.

Multi nos contemnunt Nicolae, at nos Thrasonem sequamur gloriosum, & id genus hominum leve, quod rei ludicrae pallentem impendit operam, caeve gravissimas abigit e mente curas. Salibus fruamur & joco, risu etiam si necesse est. Convitiis quoque & blasphemis nostrum parcat nemo. Comedamus insuper & bibamus in charitate non ficta. Patritos ego imitor mores: bibo, rebibo, voro, devoro, quod omnes assolent cognomines, nati meis majoribus. Plus ceteris ingurgito. Heluor etiam, quare Heluo nomen mihi. Vale feliciter. ex navi stultifera, ubi tu primum (si voles) locum obtinebis.

XXVIII.

NICOLAUS HAVERSACK,

Petro Olfontiano S. D.

Quae de risu & joco scripsisti mihi, non disc-

displicuere. Cave Pythagoram tuo adjungas choro, quem Plutarchus scribit, risu, joco, & facetiis abstinuisse. Quare & Theologi fortasse eundem secuti, tristes frequenter nimiumque graves esse conspiciuntur: id quod Vergilium prævidisse crediderim; quum libro sexto, *tristem in vestibulo inferorum cecinit habitare senectutem*. Nonne satius est nos edendo, bibendo, chorifando, dormiendo, vitam nostram produxisse; quam jejunando, orando, abstinendo, & sacras Theologorum ac Jurisconsultorum libros revolvendo, eam abbreviasse. Vinum neque anseribus crevit neque anatibus, sed hominibus solum: his præsertim, qui obicuri utiles viris, non minus græcari quam eo uti norunt. Vale. ex Moguntiâ.

XXIX

OLFONTIANUS HAVER-
SACKIO S. P. D.

QUæ de Vino scripsisti libenter omnes legimus. Modio enim sumptum (ut Mellilambius noster interpretari consuevit)

vit)acuit ingenium, debilibus quoque dat gressum, & cœcos illuminare videtur. Nemo nostrum cephalœa, nemo hemicranœa (talibus capitum morbis) laborat. Quapropter ne ab instituto nostro & veteri consuetudine recedamus, semper Baccho, semper voluptatibus, semper arrogantiae ac temeritati inhærere debemus, ut sic tandem furore pleni poëtico, inuectivis convitiis, contumeliis, blasphemis, & hæresibus novis inimicos nostros operosius persequamur. Hoc quoque Lucilii carmen ad mensam tuam suspendito:

Vivite lurchones comedones vivite ventres,
Vale ex Francfordiâ.

XXX.

JOANNES CRABACIUS,
Guilhelmo Zwickano S.P.D.

Mitto tibi Dialogum, quem è Græco nuper in Latinum transtulit Petrus Lyripipianus, homo acer & strenuus in rebus nostris, quem deinde Nicolaus Musio nobis audientibus hoc modo in Obscurorum con-

confessu, crudeli satis animo memoriter recitavit.

Sequitur Dialogus Mercurii & Ollilambii Obscurorum triumviri, qui in cœlum volens adscendere, cecidit in cloacam Vulcani.

Jupiter (inquit) vocatis nuper omnibus in concilium Diis, virum pro se in cœlis & prudentem & eruditum substitui voluit. Conquestus est enim se nimio confectum senio, cursus planatarum totamque cœli machinam diutius regere non posse. Optavit itaque hominem (ut dixi) eruditum ac sapientem qui rerum esset arcanarum custos, & cœlestis januæ diligentissimus Observator. Qui Lunam extinctam incenderet, vigilanterque provideret, ne Deorum quispiam Jovem cum Junone sorore suâ dormientem temerarius excitaret. Itemque ne Solis equi aliò deflectentes, oceano submergerentur; aut meridianis perirent ardoribus. Huic enim homini (inquit Jupiter) curam dabo, ut ex obscuris hominibus cacodæmones
fa-

faciat, eosque collocet cum creatis simul animabus in comparibus stellis. Curam etiam habebit ne Saturnus Planeta cum virgine signo coelesti, contendat; multisque aliis præficietur rebus; modò nostrâ maiestate deorumque hospitio non indignus habeatur. Quod Jovis præceptum admirabile satis & nunquam auditum, cum Dii simul omnes simulanter annuissent, missus est Mercurius Deorum immortalium nuncius, & eloquentiâ cœteris plurimum antecellens, in hoc humile viventium domicilium, quam terram dicimus. Qui cum orbem usque totum pene perlustrasset, Deorum instinctu (qui hominem nolebant ad cœleste officium sibi ipsis satis idoneum ordinari) quendam sibi Reuchlinistam ex omni Obscurorum numero delegit, & maxime talem, qui Theologos amârat nunquam. Huic enim homini nomen est Otilambius Philocapnion, cujus pater Marquardus appellatur, & mater ejus Grylla, ad designandum quòd Marquardus Marquardum & Grylla Gryllum pro-

procreaverit. Signate quæso, viri clarissimi, hujus rei mysterium. Attendite hujus hominis doctrinam. Quomodo enim cœlestia intelligeret homo iste, qui Universitates dehinc nestans, in nullâ est literariâ facultate eruditus. Si enim hunc hominem, quem ego intelligo, rectè judicare voluerimus, nec Philosophum, nec Theologum, nec Jurisconsultum, nec Medicum, nec Oratorem unquam reperiemus. Mercurius itaque ejuslibet rei simulator ac dissimulator, & deorum (ut diximus) instinctu perperam missus, cuidam obscuro Reuchlinistæ (cui Ollilambio nomen) mirâ quâdam claritate in somnis apparuit. Qui Mercurium rerum omnino cœlestium nescius videns, mirum in modum exhorruit, *Steteruntq; comæ.* (ut Vergilius ait in tertio) *& vox faucibus hæsit.* At Mercurius qui ex supernis sedibus dulcia secum liba contulerat, nonaginta illi novem offerens, quæ vulgo vocantur *bassensche Koechen*, Comede, inquit, Ollilambie & grosse, quoniam grandis tibi ad huc re-

restat via. Mox Ollilambius angelum esse credens, & se alterum Eliam, Quorsum ait? In cœlum, respondit Merc. Rectè factum subjunxit Ollilambius, ut illic impleam mentem, qv̄i hîc repleo ventrem. Jam sentio Jovis benignitatem: Ah vix tandem sensi stolidus, bene operatur Deus tuus, meq̄ve non immeritò recognoscit amicum suum, & Reuchlinistarum omnium primatem. O factum benè! jam ego nullam amplius infirmitatem sentio, ita me tuus cœlestis oblectat cibus. Disputare tamen tecum non possum Mercuri, qv̄oniam ita sum exhaustus multis jam pridem & infirmitatibus & miseriis. *M.* Et tu misérias sustinuisti Ollilambie inter ganeones & Sycophantas? *Ollilamb.* Tu à Deo missus, & hæc ignoras? Tu qv̄i præterita non nosti, quid futura prædiceres? Si ego in hunc usque diem Diis conversatus fuissẽm ut tu cœteri q̄ve omnes, Deus esse vellem. *M.* Parce qv̄æso verbis. Scriptum est enim. *Ne quid nimis.* Nonne ad lyram Hesiodus cecinit,

Optimus est homini lingua thesaurus & ingens.

Gratia quæ parcis mensurat singula verbis.

Olli. Pulchra illa sunt carmina. *M.* Rectè sentis, & hanc ob rem tuam insaniam depone. Noli unumquemque moribus tuis æstimare. Desine morbo illo procacitatis uti. Desine alios per impudentiam laceßere; talibus enim verbis tibi in cœlis amicos parare non potes, videris inimicos velle. Cesset altercatio inter nos. Quin tu uno verbo dic, unde tibi tam gravem ac planè onerosam infirmitatem conceperis. *Ol.* Ex variis & multiplicibus eduliis plus æquo sumptis. *M.* Quem cibum indies comedis? *O.* Pelles anserinas & colla caporum tosta, buculas, juvencos, turtures, perdices, phasianos, coturnices, turdos, ficedulas, & plurimi omnino generis avitia molliterque ac studiosè tosta; hæc stomachum meum nunc non lædunt, qui est sicut tabula rasa, in quâ nihil est depictum, apta tamen nata depingi, semperque illius versiculi sum memor,

Qui

Qui bene ingerit, digerit, egerit, est bene sanus.

M. Recte facis. Diutissimè enim apud nos vives. qvi sic stomachum observas.

Q. Quàm diu? M. In secula seculorum.

Ol. ô me felicem, ô me beatum Ollilambium. Qvia tamen de epulis locuti sumus, dic, rogo, mihi priusqvàm hinc abeam, quæ sint Deorum immortalium esculenta, ego enim sum unus Tellerleckerius, hoc est, omnium mensarum affecula, per totam cum sacco civitatem. M. Ambrosia, ova sorbilia, ex saccharo pastilli, pingvia vaccarum ubera, item placentæ nucleis amygdalis & saccharo conditæ. Datur etiam unicuique nonnunquam porcellus integrè tostus, illumque duntaxat mensam accedere apud nostros admittimus, qvi cingulum temporis dissigaverit, juxta carmen illud,

Balthea laxabis, ad mensam quando meabis.

Itemque

Dum plenus est venter, tunc vult dormire libenter.

O. Quid audio, sancta Juno, quid audio? Transfer me hinc ocyus, sancte Mercuri, transfer me hinc. *M.* Recedamus hinc, festinato enim opus est. O. Quærantur primum hydriæ vino plenæ. *M.* Matura rem. O. I præ, seqvar. Cumque sic abirent, clamarunt quidam Obscuri: sancte pater memento nostri, dum veneris in regnum tuum. O. Bestiæ estis, solus ego tali sum honore dignus. Quid multa? Processerunt ambo, cumque ad Parnassum montem venissent, nec illinc sese Ollilambius in cœlum transferre posset, Ætnam Parnasso, Olympum Ætnæ, montesque plurimos montibus superimposuere. Quo facto, Mercurius inquit, ascende montes. O. Trahe me post te. *M.* Hoc factum difficile. O. Quamobrem? *M.* Nimis es incrassatus, dilatatus & impinguatus. O. Sine me paululum, ô Mercuri, ventrem purgare, ut eò sim levior. *M.* Fac ut libet, sed noli interea temporis plus æquò morari. Dum igitur in secessu Ollilambius lateret, Mercurius secum his verbis mur-

murmurabat; Outinam (inquit) hic asinarius Reuchlinista tali indignus nomine, pulmonem & jecur egereret. Fœtidus me, hercule hircus est, & olens capra, bonumque foret Capnioni, si homo iste natus non fuisset. Quo dicto Mercurius clamat, ubi es Ollilambie? O. In rupe hæreo. M. Semper ibi hæreas velim: veni tardipes, huc ades crassa substantia. O. En curro velocius, quovis sum cervo fugacior, nec tuâ mihi modò operâ est opus. M. Tu videris, ego præcessero. O. En cacumen Olympi teneo, tecum sum, in portu navigo, & cœli planetas intueor. M. Rectè fecisti. O. Jam unico duntaxat saltu in cœlum veniam. M. Experiar, at cave ne saltu conturbes Platonis ideas. O. Quales sunt illæ bestiae? M. Qvas tu bestias vocas, antiqui olim Apollinis sacerdotes erant, & mulieres quidem edentulæ, quæ dum corporibus exeunt, tanquam rerum imagines inter sidera collocantur. O. Papæ, quid ex te audio? legi XXV. libros Ethicorum Aristotelis, ubi de istis ideis deprehendere

potui nihil. *M.* Non mirum Ollilambie. Tu certè non Philosophus non es, sed nudus tantum Grammaticulus. attamen in cœlum si potes quàm primum exsulta. *O.* Me accingam operi, tu nolito me tangere. *M.* non tangam, sed cave deorsum cadas. Cumque temerarius iste Ollilambius sese altius erigeret, seqve inter saltandum insolentiùs extolleret, olympo in ætnam decidit, ac deinde in Vulcani cloacam, qui montem illum priscis temporibus incolere consuevit. Tum Mercurius ridendi ir/temperans sedulò clamabat:

O Coridon, Coridon quæ te dementia cæpit.

Alba ligustra cadunt, vaccinia nigra leguntur.

O. O sancte Mercuri adjuva me! ô Apollo! ô Latona! ô vos Musæ novem juvate nre! His Lamentationibus ille commotus hunc hominem foetidum, & instar bubonis cæcutientem, ad novum quendam fontem caballinum, nuper à Sylvano adinventum, perduxit, ubi purgare hominem volens eum suffocavit. In signum
cu-

cujus adhuc aquæ illorum fontium ita turbidæ foëtoribusque permixtæ sunt ; ut quicumque ex illis indignè biberint, insani potius sint quàm sapientes.

Hunc cum recitasset Dia'ogum , hæc continuò verba subjecit. De poëtis, inquit, malis & perversis tanquam præclaro nomine indignis solùm loquimur : de honestis & sapientibus mali nihil. Nec aliquem sub cœlo hoc nostro Dialogo offendi volumus. Nam qui tandem obscuri sint viri *Grammatici certant, & adhuc sub judice lis est.* Vale. ex Constantinopoli, sexto Idus Mahumeti.

XXXI.

STEPHANUS CALVASTRIUS,

Joanni Lucibulario S.

Obscurorum indies numerus magis magisque augetur. Inscripsi nudius tertius tabulæ nostræ poetas aliquot nobis perfimiles, qui se invektivis potentissimos esse gloriantur : & hæc eorum sunt nomina, Hirpinus Murcida, Asmodæus Harpalos, Pultronus Lurcho, Bibesius Sycophanta,

Ollilambius, Nebulo, Philocapnion Jovianus, Joannes Smoerpot, Hans Levervvorst, Gryllus Reptilis, Henricus Haverfack, Stutsus Murius de cellâ vinariâ, Cornutus Bubularius, Fatuinus Schelmo, Phytton Serpentinus, Georgius Bestia, Petrus Sclabbert, Hermannus Kalff, Ganimedes Junior, Coridon Sylvanus, Sclampampius Tellerlecker, Stilpho Gnatonicus, Joannes Bulkinus, Demodicus Codrianus, Sinon Græcista, Faunus Corniger, & Ovidio teste,

*Additur his Nyseus, indetonsusq³ Thyoneus,
Et cum Leneo genealis confitor uvæ,
Nycteliusque, Eleleusque parens & Iachus
& Evan.*

Gnosius Ichnebates, Spartanâ gente Melampus

Pamphagus & Dorceus & Oribasus Arcades omnes,

Nebrophonesque valens & trux cum Lelape Cheron,

*Hileusque ferox nuper percussus ab apro,
Et niveis Leucon, & villis Asbolus atris.*

Omitto

Omitto reliquos qui spem non habent, & quorum (sicuti stultorum) infinitus est numerus: Hi bellum contra Theologos acturi sunt. Nam arrogantiam, temeritatem, convitiis & blasphemis pares sibi nullos habent. Noli igitur plus æquo lamentari, Ego inter saxum & sacrum sto, & ex fonte Hypocrineo sum infatuatus. Vale. Ex Libetridum speluncâ Nympharum.

XXXII.

JOANNES LUCIBULARIUS

Stephano Calvastrio S.D.

Miserrimè nobiscum aguntur omnia, multiplicasti gentem, sed non lætitiā: obsunt nobis illi (si ritè rem ipsam pertractare voluerimus) & profunt nihil. Non vult habere Capnion impudentes Sy-cophantas, sui defensores. Quid multa? Ipse receptui canere jam pridem destinavi & meliorem agere virum. Valeant ludiones, lurchones, comedones, ventres, bibesii, cœnipetæ, flagricibæ, prædones, calumniatores, parasiti, gnatones, flagriones, bucedæ, plagipatidæ, furciferi, catilones,

nes, & id genus obscurorum omne. Te igitur illi omnes dilanient, strangulent, obstringilent, obliterent, & culter & venenum, & incantatio vitam tuam, quæ est mors, acerbè finiant. Vale cum tuis ut potes. Moguntia, ex domo nostri impressoris, poenas suæ temeritatis procul dubio daturi.

XXXIII.

PULTRONIS MURCIDA,

Titivillo Corniculario S.

NON possum non dolere, non lacrymari, non mœslus esse, ita nos excruciant viri boni & sapientes; de illis duntaxat loquor, qui non sunt de nostro Obscurorum gregē. Et ideo *de grege non ausim quicquam deponere tecum.* Simplex plebecula, pueri quoque & mulieres, publico nos odio infequantur. Clamitant enim in plateis, huc huc veniunt Obscuri Reuchlinistæ, non minus Deo quàm hominibus odibiles. Jaciunt deinde in nos stercorea. Quid multis? Canes nobis omnibus ultrò non irritati adlatrant: nigris enim utimur larvis,

nec id solùm canes agunt, verùm & viles caligas nostras & detrita vestimenta dilaniant. Vale, ex cellâ vinariâ; ubi nobis dantur Deorum responsa, & poetarum fabulæ à Baccho exponuntur.

XXXIV.

TITIVILLUS PULTRONQ S.P.D.

ANimam ago mi charissime Murcida; Utinam essem cum Anchisiade in Elysiis campis, & hæc tam infelicia non audirem. Proh Deum atqve hominum fidem! quid hoc est si contumelia non est, aut potius Dei plaga. Quæ tu scribis, intolerabilia mihi videntur. Gratias etiam Capnion nobis agit nullas, quin potius Obscuris omnibus maledicit. Alii præterea nos Sycophantas, alii noctis filios, alii nebulones, alii humanas bestias: alii monstrosa mancipia, alii canes rabidos, nonnulli hæreticos, blasphemos & foetidissimam convitiōrum sentinam appellant. Addunt quoque, nos solos obscuros cum Dathan & Abiron meritò à terra absorbendos. Vale, ex Argentina pridie Kalendas Jovis.

XXXV.

GERHARDUS SCHIRRUGLIUS

Joanni Wickelphio S.P.D.

MAli sunt homines, qui dicunt nobis malè. Quamvis enim neque Deum timeamus neque homines, aliosque indignè læserimus, nihil tamen est, quod contumelias perpétiamur, bellum hoc & lepidum. Verùm hæc aliàs. Grave mihi semper atque anceps dubium fuit, quare Colonienses Theologi plus cæteris per Alemaniam florentibus, superioristarum (ut sic dicam) errores corripere nitantur, & in Svevum indignari, hominem nobis summâ conjunctum necessitudine. Vale feliciter, & cras responde. Ex Andernako, inter calices & pocula.

XXXVI.

WICKELPHUS SUO SCHIR-

RUGLIO S.P.D.

Non possum tibi Gordii nodum absque dolore interno & horrifonis ululatus dissolvere. Nisi Doctor essem in omnibus scientiis mundi; itemque si neque in Bo-

Bohemia neque in Arragonia fuissẽm , ad
tãm difficilem ac planẽ tortuosam dubita-
tionem respondere tibi nequaquam pos-
sem. Audivi nuper in Ecclesiã à quodam
Theologo , ad populum DEI verbum ha-
bente ; reverendum Inquisitorem Jaco-
bum Hoochstraten, tres sibi à sede Aposto-
licã Archiepiscopatus commissos habere,
Coloniensem , Moguntinum & Treviren-
sem, ut quæ mala ibi compererit, ab Eccle-
siã Dei quamprimum refellat.

Adjecit quoque Sixtum Papam quar-
tum singulari quadam commissione per
totam Alemanniam hæresium extirpan-
darum munus Theologis Colonienfibus
commisisse. Quod ut luce clarius intue-
are , brevius illius exemplar tibi per Liri-
pianum nostrum transmitto , ut imodi-
cè tecum lamenteris. Vale , ex Made-
purck , & poenitentiam age quãm
primum potes.

SIXTUS PAPA IV.

Dilectis filiis, Rectori, Decanis ac
Universitati studii Colonienſis.

Dilecti filii, Salutem & Apostolicam benedictionem. Accepimus literas vestras, ex quibus cum iucunditate intelleximus, quo zelo fidei Orthodoxæ, quaque prudentia scripta erronea hæresim sapientia, legi, imprimi ac vendi prohibueritis; muliercularumque imperitiam reprefferitis. quæ dum tenentur, interpretantur quod nesciunt, & scripturarum sibi usurpant scientiam, in maximos dilabuntur errores: nec sibi solum, sed aliis quoque animarum præcipitium struunt. Laudamus vos in Domino vehementer: Fecistis ut bonos Catholicos (quales semper fuistis) decet, & quod vos non dubitamus facturos: pro quare nos & hanc sanctam Apostolicam Sedem, invenietis in omnibus desideriis vestris promptiores atque benigniores. Cæterum ut quod benè coepistis, facilius possitis perficere, harum sententiæ

riè vobis autoritate Apostolicâ licentiam
& facultatem concedimus coërcendi sub
censuris Ecclesiasticis, & aliis opportunis
remediis, impressores, emptores, lectores
librorum hujusmodi. Et quia fieri posset,
ut impressores prædicti metu vestri aliò se
conferrent; volumus ut ordinariis & ma-
gistratibus locorum in quibus erunt, no-
stram hanc voluntatem significetis, quam
ubique volumus observari. Datum Ro-
mæ apud Sanctum Petrum sub annulo Pi-
scatoris, die XVIII. Martii M. cccc. LXXIX.
Pontificatus nostri anno octavo. L. Gri-
fus.

XXXVII.

DAUBENGIGELIUS SUO

Simpriano S. P. D.

QVò me vertam præ dolore, mi sva-
visime Simpriane, quibus quærar, quos
implorem? Si domi sum, phantasmatibus ve-
xor, & intestina lumbricis corrumpuntur.
Si ex eo, malè de nobis sentire bonos anim-
advertimus, O nos miseros & infelices! O
funestam diem in quâ nati sumus! ô pectora
ceca,

cæca, ô hircosum Obscurorum Reuchlinistarum gregem, æternâ ac plane incluibili diffamiarum & convitiorum leprâ adustum. Nobis LEO Papa maledixit, libri nostri comburuntur. Nec mulierculæ nec Pharmacopolæ ex illis cucullos facere audent: ne venenum quod in illis latet, incautos enecet. Erasmus præterea Roterodâmus nos detestatur & odit. Fuimus Troës. Omnia nobis & in cœlo & in terris adversa sunt. Scio quid faciam,

Ullra Sauromatas fugere hinc libet, & glaciale

Prorsus Oceanum.

Vale. Datum Augustæ. &c.

XXXVIII.

SYMPRIANUS DAUBENGIGELIO suo S. D.

NIL conscire sibi, nullâ pallefcere culpâ.

MERITò nos canes rabidos & blasphemus boni appellant. Nimis enim impudenter non in viros solùm sapientes & bonos, sed in Jesum Christum, in Beatam Virginem, in supernos cœlites, nostris
con-

contumeliis ludendo debacchati sumus. Quare nos insensati & degeneres Christianicolæ, ea verba, quæ Sacrosancta Mater Ecclesia primiparæ adaptavit Virgini, in nostras diabolares meretriculas & scorta publica nocturnasque pecudes redegimus? Quid Theologos ipsos, validissimos Christianæ fidei defensores, ac Sanctum Petrum cœli Primatem, perfidis comparare Judæis? Quid sacratissimas Apostolicæ Sedis indulgentias permerdare? Quid cum divino Salvatoris nostri corpore joculari, risumque aliis in frontispicio nostrarum epistolarum movere contendimus? O nos miseros homines, & non immerito à Sede Apostolicâ maledictos! Emendemus vitam nostram in melius, quæ scienter deliquimus. Quippe si infames nostræ epistolæ in lucem editæ non fuissent, itemque si neque Georgii Dialogus, neque præfationes duæ, & alia quædam impressa forent, diu fortasse causa nostri Capnionis ultrò ac citro cum honore omnium sopita fuisset. Vale. Ex rure suburbano, & mecum quantumcyus resipisce.

XXXIX.

ANTONIUS RUBENSTADIUS,
Stalberio Horleompiano, S.

NEqvaqvam ultra Sauromatas nobis
aufugiendum est. Inter os & offam
multa cadunt. Non unius duntaxat ho-
minis consilium seqvi debemus. Festi-
nandum tardè, ne Senecâ præfago, *Velox*
consilium sequatur pœnitentia. Aliud nobis
supereft fugitivarium. Glauco etenim
duce Circes domum, haud longè à Cajetâ
Campaniæ oppido inqviramus, ut ab ea, in
cruentissimas mutari bestias, Theologos
qvamprimum devoremus. Simile enim
priscis temporibus factum fuisse, tum Ho-
merus ipse philomythes; tum poëtæ ad u-
num omnes attestantur. Utinam vigin-
ti cubitorum dracones essemus, de qvibus
apud Plinium legitur; longè profectò
melius sese res nostræ haberent. Fuge
collusionem Daubengigeli & Simpriani:
Soli qvq volunt abeant, nec nos amplius
conturbent. Mallem enim decies in fur-
cam suspendi, qvàm uni Theologorum es-
se

se ludibrio. Vale, Datum Francfordiæ, ex
foetidâ Judæorum harâ.

XL.

STALBERIUS RUBENSTADIO S.D.

Longè mihi aliâ mens est, pater hono-
rande. Nemo nostrum quoque pergat,
nemo montes Caspios, nemo Sauromatas,
nemo Circes domum petat. Monoculus
ego sum & lippus, Oculari tamen Capnio-
nis Speculo ante nasum meum posito, vos
multi jugis erroribus video implicatos.
Legi apud Hesiodum in Theogoniâ, Pro-
theum Oceani & Tethyos filium, in varias
sese olim formas transmutasse. Hunc co-
lamus Deum, huic porcos & asinos offera-
mus; ut delusis Theologorum oculis, be-
stiarum duntaxat formam habere videa-
mur: ut sub tali velamento nihil, quod ad-
versariis placeat, peragamus. *Quo facto
tum varia eludent species atque ora ferarum,*
Alius enim subito fiet sus horridus atraque
tigris, Squamosusque draco, & fulvâ cer-
vice læna. Vale, Datum Cracoviæ, xxx.
Idus Septembres.

XLI.

XLI.

DOCTOR GRILLUS,

Stalberio Rudenstadio, ac cæteris amicis,
S. D.

Quid alios imprudentiæ accusas, quum tu sis unus omnium qui vivunt insipientissimus; quanquam tamen in tenebris plus uno fidens oculo, quam reliqui in luce duobus. Bestiæ diu fuistis, & crudelissimis quibusque bestiis longè crudeliores, licet caudas in terram dependentes, licet asinas aures, licet ursorum ungulas, aut solidos eorum pedes non habeatis. Alii vestrum dracones sunt, alii verò basilisci: Ita enim & verbis inconcinni, & stylo enormes, & audaciâ ac veneno pestilentes estis. Stultum est igitur optare quod diu estis consecuti. Bubonum, noctuarum, asionum, ulularum, vespertilionum, nyctitoracum, strygum lemurumque exemplo nocturnis volate temporibus: ut nocte intempestâ, palpabiles tenebræ vos obumbrent. Valete ut meriti estis. Ex Norenbergâ.

XLII.

MAMMOTRECTUS BUNTEMAN-
TELLUS, Eyntelrabiano Philopom-
po Obscurorum legato,
S. P. D.

EDidit nuper libros duos Reverendus
hæreticæ pravitatis Inquisitor, in quibus
luce clarius patet, quàm sanctè &
quàm piè Georgius Benignus & Capnion
ipse in suo Dialogo locuti sint. Ita enim
in illis convincuntur, ut nullo unquam
Marte possint exurgere. Non est reve-
rendo Inquisitori machæra hebes neque
stylus retonsus. O Philopompe, quis hæc
futura credidisset? Nobis Lachrymæ
sunt Crocodili; Cumani sumus, homi-
nes profectò hebetes atque obtusi. Acta
agimus; *anserēs nunc* (ut Theologi di-
cunt) *inter olores strepant*. Discamus igitur
aliis in rebus uti foro, & alienâ frui insaniâ.
Nam operam hic atque oleum perdidimus.
Si cras præ summo animi dolore
atri Ditis januam introiero, Plutonem ro-
gabo, ut te illuc post tres dies accersitum,
ve-

veram obscuritatem & tenebras palpabiles jubeat intueri. Vale, ut potes. Ex Cracoviâ.

XLIII.

EYNTELBIANUS BUNTE-
mantello S. D.

O Te omnium sub cœlo miserrimum & præ cœteris mortalibus, magis importunum. Quid mihi tam tristitia nuncias? Quid mea gaudia in luctum convertis? quid me ex alto in desperationis sterquilinum præcipitas? Non tam acerbè mihi rem gestam scripsisses. Me senio confractum nosti, & ex leni vento huc atque illuc impelli. Ego enim si hoc malo nuncio apoplexiâ tactus fuisset, quis obsecro tres meos obulos & tibulli ac Propertii libros unâ cum Ovidianis Amoribus consecutus fuisset. Silicernius sum & senex capularis, meque vespiliones ac bustuarii die noctuque insequuntur. Observa me igitur, ut ultimæ voluntatis meæ dignus executor inveniri. Non te moveant Theologorum correptiones. Indocti sunt, & præter Sacras literas sciunt
ni-

nihil. Poëtas non intelligunt. Quid ergò
nostrarum epistolarum mysteria intelli-
gerent? Neque Aristot. in XV. Physico-
rum; neque Propyrium in libris de ani-
ma: neque Æsopum in Metaphisicis le-
gerunt unquam; Abeant igitur, nosque,
more nostro vivere ac loqui permittant.
Vale. XLIV.

TRULLUS POMIVENDULUS,

Flacco Murilegiano S.D.

Audio Judæos multum lætari de pro-
spéro rerum suarum successu. Le-
gunt enim librum quendam Joannis Reu-
chlini talem, qualem ad mensam discum-
bentium & in Synagogis suis Diabolicis, ut
indies Christianos derideant, & execrabi-
les suos libros Christo Deo blasphemos in-
justè tueantur, atque conservent. Quare si
perditissimi crucis Christi hostes, indignè
& ex ingenitâ atque inveteratâ malitiâ læ-
tantur, nos perpetuis lamentemur in tene-
bris (modò salvi esse voluerimus) necesse
est. Ex Francfordiâ autem nundinis nunc
Aprilibus aliquot tecum Ocularia confer,
ut

ut si non mentis, oculorum tamen visum restauremus. Hunc solum habemus honorem, quod Judæi in scandalum Ecclesiæ, Obscurorum epistolas in Teutonicum transtulere. Vale ut potes. ex Dulken. Anno M. ccccc. xviii.

Finis Lamentationum veterum, quæ nundinis Aprilibus hoc eodem anno editæ fuerunt: at multis in locis modò, non solum immutata, sed plurimum etiam citra cujuscunque indignationem (ut boni omnes confecerunt) adauctæ.

Sequun-

Sequuntur Lamentationes novæ
Obscurorum Reuchlinistarum.

^{1.}
SIMON LUTSBUULARIUS,
Totusque Obscurorum exercitus Gogo
ac Magogo suis Principibus
S. P. D.

Cogitantibus nobis, Principes
egregii, quæ tandem Patronos re-
bus nostris summo in periculo
constitutis deligeremus, vos potissimum
& omnibus, velut duo clarissima Judæo-
rum lumina (quorum sub tutela iniquita-
tes nostræ omnes militarent) digni occur-
ristis. Magnum est enim & grave & per-
molestum atque acerbissimum, quod Cap-
tionis nostri contemplatione nuper o-
mnes vulnus accepimus. Maledixit nobis
sumus Pontifex & tota Christi illudit Ec-
clesia. Pauci etiam reperiuntur, qui nos (ut
ab aliis accepimus) vivere in terris patian-
tur. Heu! heu! igitur nos infelices atque
infortunatos! qui ob singularem nostram
in bonos omnes audaciam & insignia in
D Christi

Christum facinorâ, nihil honoris consecuti sumus. O fallaces nequitiarum blanditias! quibus allekti per varios agitamur errores. Quinanes cogitatus nostros! qui secundis in rebus eò magis nos seducunt, quo certiore spe quadam nobis blandiuntur. Quas ipse sæpenumerò, blasphemias in epistolis nostris conscripsimus, bonis omnibus, & toti (ut audimus) Christianitati plurimum displicuere. Quis igitur nostrum in tantâ rei indignitate, non moereat? non audaciam deploret suam? non se se mortifero conficiat dolore? Quid multa? Actum est nobiscum, nisi literis vestris animati fuerimus. Valet ad longos Platonis annos. Moguntia, ex Coronâ, tutissimo Obscurorum asylo.

II.

GOG ET MAGOG OBSCURIS
Reuchlinistis S.P.D.

Quid vos miseri foeminarum more ejulatis? Numquid *sera vobiscum in fundo est parsimonia*? Adscendit clamor vester in altum, & montes Caspios horrissono fragore

gore percussit. Insolitum deponite timorem. Estote fortes in bello contra virtutem, ne inimici nostri in cunctis plus æquo triumphent. Annunciamus vobis gaudium magnum, quod notum erit omni populo, quia natus est vobis Servator Antichristus in montibus nostris ex edentulâ quadam anu Blaspheina nomine. Quæ superba nimis, semper in ore habet Vergilianum illud: En ego incedo Regina, Jovisque & soror & conjux. Hinc est quod nostri Doctores in fabulis Ethnicorum multum eruditi, eam Junonem esse contendunt. Nec immerito; Habet enim pedisse quas insignes, tres inferorum furias, & Harpyias quatuor, inter quas Celeno vobis Obscuris, ac vestro tandem Patrono, pessima quæque eventura prædicit. Nos enim illius vaticinia contemnimus: quia ut in veteri est proverbio; *Mala aves malam præsagiunt auram.* Valete feliciter cum vestro Capnione. Datum in montibus Caspiis, Anno à navitate Antichristi secundo.

III.

DOCTOR GRYTZ , OMNESQVE
Obscuri Reuchlinistæ Gogo & Mago-
go suis Principibus
S.P.D.

Accepinus literas vestras, Principes in-
victi, nectare nobis atq; ambrosiâ sva-
viores. Quid enim periculosis hisce tem-
porib' Pseudo-Christianis auditu jucundi?
evenire potuit, quàm eum esse in terris na-
tum, quem omnes blasphemi omnesque
calumniatores & hæresiarchæ summum
Deum sunt habituri. Adoramus itaque
Jovem & Apollinem, Mercurium quoque
& Musas novem, ut Antichristo parcant,
eumque magicas doceant artes, ne in
scholas eo Theologorum adveniente, ar-
tium Diabolicarum rudis esse videatur.
Nam qui virtute & sapientiâ potest, nihil
maleficio contendat necesse est. Valete
diu in montibus vestris cum Antichristo
nostro, omniumque nebulonum ac Syco-
phantarum, lemurum etiam & strygum
Patrono. Wormatiæ, ex porcinâ Judæ-
orum Synagogâ.

IV.

GOG ET MAGOG, DOCTORI

Grytz, omnibusque Obscuris S.P.D.

ANtichristum nostrum aut potius vestrum expeditum in vario criminum genere adolescentem ; nonis nuper Septembribus in jucundissimum Veneris montem, tanquam ad mercaturam omnium nequitiarum cum Asmodæo nostro transmisimus. Non dubium, quin ab omnibus ærumnis atque angustiiis vos sit quam primùm liberaturus. Interea temporis neque blasphemiiis parcite, neque imprecationibus. Vult enim sibi Antichristus tales habere apparitores, talesque suo albo milites inscribi. Cæterum ut ad alia progrediamur, mittite nobis in Proserpinæ bigis aliquot Specula Ocularia Joannis Reuchlin, quæ à multis Universitatibus condemnata accepimus, & Defensiones ejusdem ; ut boni etiam viri hic non nihil habeant quo se oblectent. Adjiciantur & alia si quæ vobis supersunt ejusdem generis inutilium contentionum

fragmenta. Volumus quoque scurriles vestras Epistolas à sede Apostolicà jam pridem condemnatas, nobis in quadrigis mitti; ut illis Antichristus noster non illepidè institutus, blasphemiiis & irrisionibus abundet, omnemque turpitudinis ac maledicentiæ artem (multum est enim à teneris consvescere,) puer non ignoret. Postremò dum steteritis ante Reges & Præsides, nolite cogitare qualiter aut quomodo libri omnes vestri sint ultra Caspios montes transferendi. Præsto vobis erunt. Cacodæmones ipsi, in montium nostrorum radice, qui hanc librorum sarcinam, dicto citius nobis præsentabunt, quàm æquè ac nos istiusmodi lenociniis delectentur. Salutant vos sorores Antichristi, vestræ Consobrinae; Temeritas, Arrogantia, Impudentia, Cæcitas, Obstinatio, Desperatio, Hæresis & Blasphemia; quas si ritè honoraveritis, ita etiam, ut in omnibus vos neqvitiis & sceleribus expeditos habeamus, magna procul dubio ab Antichristo (cujus & vos præcursores estis) dona-

donaria recipietis. Valete diu & pergite, ne Sacrosancta sedes Apostolica falsum dixisse videatur, ubi vós filios iniquitatis esse decrevit. Ex Caspiis montibus, Anno tertio.

V.

NICOLAUS LORIPES, CORIDONI Lusco, S.P.D.

*O Coridon, Coridon, quæ te dementia cæpit,
Alba ligustra cadunt, vaccinia nigra leguntur.*

HÆc sunt verba Divi Vergilii, patris nostri & poetarum omnium parentis, quem tu minime intelligis. Hunc enim locum noster exponens Ollilambius divino præditus ingenio, libro XXV. de naturâ rusticorum & nebulonum ac pseudo-Christianorum vafriiciis: vult per Coridonem (id est Commentatores in hunc usque diem ignorarunt) umbrosam Dianæ intelligi venatorem, qui in Cyntho & Helicone, sacris Musarum montibus, albos volens cuniculos capere, corvos ac nycticoraces cepit.

Quæ res quam sit jucunda auditu, nemo prorsus ignorabat. Quapropter te oro atqve obsecro, ut ære etiam chalcotypo imprimi actutum facias, ne tam necessaria cognitu cœteros nostræ sortis homines prætereant. Nam argutuli quidam novarum rerum (quæ nusquam sunt) indagatores, dum nova cudere posteritate satagunt, in aliena nimis & futilia dilabuntur. Vale Delphis, ex phœbadum speluncâ sacerdotum. Te plurimum salutat nostra Calliopæa. Iterum vale.

VI.

CORIDON LUSCUS, NICOLAO

Loripedi S.P.D.

Sunt complura in nostrum Maronem commentaria, sunt infiniti per totum penè terrarum orbes interpretes: at nemo illum plenè intelliget; nisi & nova obicursorum Reuchlinistarum; doctissimorum quidem in fabulis virorum, glossemata perlustraverit. At mihi nuper tuâ multam expositione jactabundo, ac planè importuno Theologus quidam & eruditus &

& vehemens, sese in Sybillinis foliis, aliam deprehendisse respondit. Carmen (inquit) illud Virgilianum; *Alba lignustra cadunt*, & alia quæ sequuntur vulgares poëtæ non intelligunt. Divinus enim ille Vergilius (ut non remulco sed plena utar velificatione) in felicissimos nostrorum temporum dies, ex singulari quadam nativæ virtutis industriâ luce clarius prævidit, quibus vel Paulo teste, obscuri ac degeneres quidam poëtæ sanam doctrinam non sustinebunt, sed ad sua desideria coacervabunt sibi magistros prurientes auribus. Auditum etiam suum à veritate avertent, & ad fabulas convertentur. Postremò subjunxit idem ille Theologus, *Alba lignustra*, hoc est omnium penè Sanctorum scripta Doctorum, unà cum Evangeliiis Christi & Apostolorum Canonibus; *cadunt*, id est, parvi ab Obscuris æstimantur, & ob stulti atq; orationis humilitatem non habentur in pretio. *Nigra verò Vaccinia*, hoc est fabulæ, convitia, infamationes, mendacia, blasphemix, hæreses, & id genus aliæ viti-

orum pestes, festivè saltem & eleganter compositæ; *leguntur*, id est, ab omnibus ferè colliguntur, desiderantur, & in pretio habentur; ac præclaris tum Theologorum tum Jureconsultorum scriptis, à levibus quibusdam ac perversæ mentis hominibus anteponuntur. Quibus auditis, ego totus *obstupui, steteruntque comæ, & vox faucibus hæsit.* Vale mi Loripes, & Theologos semper fuge, ne cæci visum recipiamus. Moguntiæ, ex domo quadam insigni, cui Coronæ nomen.

VII.

NICOLAUS CALUMNIATOR

Lucio Catilinæ Juniori S.D.P.

Heu mihi nunc fugiunt vires & corporis usus,

Mens mea non servit nec mea lingua mihi.

Heu miser in nostris est nulla potentia membris,

Horum quodque suum denegat officium.

Nullâ parte suos cernunt mea carbasia portus,

Nec sentire potest anchora nostra solum.

Nescit nostra suam quo quærat plaga salutem,

Sæpe præcor mortem, mors tamen ipsa fugit.

Non abs re conqueror, mi svavissime

Ca.

Catilina. Nam hoc solum ex omnibus nostris iniquitatibus, blasphemis & hæresibus (ut verum tibi fatear) consecuti sumus, ut nos æquè boni omnes ac publicos hostes & Ecclesiæ suæ inimicos insequantur. Quin etiam se muniunt signo sanctæ Crucis, quoties Obscurorum nomen ante prospectum audierint, nosquè Diabolos esse arbitrantur. Proh Jupiter! proh Dii immortales! quid hoc est, si injuria non est? Consolare me obsecro primo si potes die. Nam obscurus ille Charon scavâ suâ ferrugineâ, nostrum aliquot intra dies octo ad obscuras inferorum latebras per Acherontem ac Stygem cœterasquæ paludes est delaturus. Vale, ex Hagenau. Nonis nuper Septembribus.

VIII.

LUCIUS CATILINA JUNIOR.

Nicolaò Calumniatori Reuchlinistæ
& Thalmudphilo S.P.D.*Stulte quid insanis, cur te dolor urget inanis?**Tesperare jubet Calliopa suum.*

Temperet ergo tuos modus & prudentia questus,

Terge tuas lachrymas, disce tenere modum.

TOta via totoque cœlo aberras, mi Nicolae, si arbitraris nos in sacco venditare. Non sunt nobis oculi lolio vitati, quin & serpente & aquilâ acutius intueamur. Quamvis Theologi nos odio persequantur, Strabonis tamen instar (ut est apud Solinum) triginta quinque millia passuum prospicere valemus. Tibi persuadeas velim bifrontes nos esse Janos, quibus Mydæ aures affigi non possint. Nonne pilosi omnes sumus? quos natura (quæ occultè operatur) cæteris mortalibus astutiores esse decrevit. Pilosum inquam cor, cum Messenio Aristomene à Lacedæmonibus interfecto habemus. Astutia igitur nostra vincet studia illorum. Prius testudo cursu leporem vincet, cursusque bovem trahet, quàm ingenitam nobis malitiam deferere possimus. Nec mirum. Veterem enim pelliculam difficulter exuit, qui jam diu fraudibus ac malitiâ

litiâ occalluit. Vale. ex Dullendorp, & cum ad Elyfios campos descenderis, Plutoni inferorum principi, me iterum atque iterum commenda.

IX.

PLUTO, PHLEGETONTEUS,

Sinoni Ululario, S. P. D.

O Dii Deorum quorum opifex paterque ego sum, quàm graves mihi nuper Obscurorum Lamentationes oblatae apud Inferos fuerunt. nemo prorsus Caco-dæmōnum est, Mi Sinon, qui non luctu ac mœrore contabescat, ac carnem devoret suam: Omnes enim boni (ut audio) ac sapientes. Obscurum Reuchlinistarum genus, velut pestem quandam præsensque venenum fugit. Auctores sunt Theologi qui pro Ecclesia Christi ad sanguinem usque (si ritè accepta recordor) legitime decertantes, pessima quæque (nobis etiam invitis) eradicare nituntur. Hem me miserum! vix sum compos animi, ita ardeo iracundiâ. Nihil est, quod malim, quam illam totam Theologorum familiam mihi

dari obviam, ut mihi iram hanc in omnes
eos evomam omnem, dum ægritudo, hæc
est recens. Satis id tandem supplicii sum
habitura, dum illos ulciscar modo. Vale
ex Tenaro Laconia promontorio, ubi ad
inferos descendentibus facilis patet via.

X.

SINON ULULARIUS, PLUTONI
Stygio, S. P. D.

*Occurrunt animo pereundi mille figure,
Spes bona sollicito victa timore cadit.*

O Cœca nocentum consilia ! O sem-
per timidum sceitis ! Nullum (ut sen-
tio sine magno auctoramento est malum.
O fortuna ! O fors fortuna ! quantis in-
commoditatibus & quibus scandalis im-
plicati omnes sumus. Qui tibi servit, nul-
li fortasse servit, sed æternæ, (ni fallar) sibi
maledictionis præcipitium struit. Nemo
nos nostro exonerat metu, nec tu id qui-
dem (qui Princeps es tenebrarum & Ob-
scurorum omnium Patronus) facere ullo
modo potes. Si tibi machæra est, nos
quamprimum tuere, teque in angelum lu-
cis,

cis, (id quod te Paulus ad Corinthios faceresoluitum testatur) quantocyus transfigura. Quod ubi feceris, tecum ad inferos descendemus. Vale ut potes, & lætare cum Proserpinâ uxore tuâ & Glaucâ matre. Ex Noremburgâ, Nonis nuper Septembribus.

XI.

HENRICUS HAVERSACK,
Neqvitiarum Licentiatus, Joanni Smoer-
pot Præceptori suo, S.P.D.

Flli nuper Mogunti in confessu Obscurorum Virorum, petens ab iis, ut suo me albo inscriberent. Quibus confestim annuentibus (pares enim cum paribus facillimè congregantur) artem me prius histrionicam exercere volebant. Vino itaque naturam non parum adjuvante, tantum cæteris Obscuris in hac arte præstiti, quantum asino porcus ad edendum antecellit. Quapropter non possum Liberum patrem (quem Bacchum alii appellant) non laudare & in cœlum usque extollere, qui me infinitis exsolutum curis, semper
latum

lætum esse vult & ventre distentum. Ubi enim quid est vini, haud cesso, quousque totus est gurgulio prægnans ab imo & trans gulam. Sin paucitas, vel lambo vel lingo, dum odor sagax olet: At non (ut est plerisque mos) in abditis & solitariis locis aut specubus, sed cum bonis natabus & sodalibus & similibus mei. Hoc tamen unum me plurimum excruciat & animo tranquillo esse non sinit, quod nisi artem etiam blasphemandi didicero, nunquam sim in Doctorem nequitiarum una cum cæteris promovendus: Quod ne fiat, tui erit officii providere. Vale: ad longos Nestoris annos, & Æsopi patinas nobis ad cœnam para, ut Baccho ac Cerere suffarinati, ad omne malum promptiores esse possimus.

XII.

JOANNES SMOERPOT DAVENTRI-
ensis, Henrico Haverfack suo Dis-
cipulo. S. P. D.

DOleo in immensum, & supra quàm
cuiquam credibile est, interno excru-
ciôr

eior dolore, eò quòd hætenus ad saxum
verba fecerim, operamqve perdiderim &
oleum : Infœcundi quippe ingenii est
(Fauftus inquit) præmonſtrantem (quan-
quam illi debeatur plurimum) non exce-
dere. Quapropter tibi gratias ago nul-
las, quod ultra ipſam in conviviiſt geſticu-
lationem, nullam blaſphemandi didice-
riſ artem. Lege relegere, perlege Apoſta-
ticas, ac planè execrabiles Obscurorum e-
piſtolas, & te in nequiffimum omnium
nequitiarum Doctorem, hiſtriones ipſi, di-
cto citius promovebunt. Sequere etiam
impudentiam præceptoris tui; teque ad
peſtiferos illius mores (neceſſe eſt enim
ut de me ipſo in tertiâ loquar perſonâ) to-
tum effinge. Quod ſi feceris, vivum
eris Sycophantarum idolum, omniumque
vitiorum exemplar. Vale diu, Worma-
tiæ ex fœtidâ Judæorum harâ, ubi me cu-
lices & pulices, cute integrâ eſſe nunquam
ſinunt.

XIII.

SIMON DRILLENSIS, MAT-
thiæ Rupho S.P.D.

Miror

Miror equidem, quam potissimum ob causam viri boni nos Obscuros Reuchlinistas cum Dathan & Abironâ terrâ velint absorbendos esse; quâ item moti insaniâ nos histriones & Sycophantas, ac nequissimum planè genus hominum appellare non vereantur. Hunc mihi si dissolveris nodum, alterum te esse Apollinem prædicabo. Vale, ex Basileâ.

XIV.

MATTHIAS RUPHUS, SIMONI

Drullensi S. P. D.

Explicare non possum literis Simon, quantam mihi tristitiam nuper in Judæorum Synagoga deambulanti multorum epistolæ attulerunt. Scribunt enim non Theologos modò, verùm & optimos quosq; dicere solitos, nullum esse sub cœlo tam impudentem tamque in verecundam meretricem: nullum item latronem tam inhumanum, nullumque tam discinctum Sycophantam, qui nostras, hoc est, Obscurorum epistolas lectu dignas velint. Nec mirum. Sæpe enim stateram trans-

fili-

filivimus. Ansam quoque largiti sumus ut malè nos tractare & boni & mali omnes possint: Capra gladium quo mactetur adinvenit. Faber quas fecit compedes, ipse gestat; suoque perit indicio forex; & in exspuentem cadit, quod in cœlum exspuit. Nolim igitur mireris Simon, nos ab optimis iniquissimos & à gravissimis quibusque levissimos appellari. Cave hæc Theologi resciscant Colonienſes, ne laqueum nobis mādent, aut medium ostendant ungvem. Vale ut potes, & digito compescē labellum. Ex Francfordiâ.

XV.

CASTRIMANNUS ECHTNOBIENSIS, Doctori Grytz Obscurorum Præceptoris S.P.D.

Quanquam omnia nobis adversa sint, Doctor egregie, & Isthmon perfodere non possumus, nihil tamen est, quod vel Theologos ipsos in aliquo timeamus. Dies enim nobis adimit dolorem. Verum enimvero quia Cumiani omnes sumus, homines proſecto & obtusi & hebetes, præcepta

cepta nobis aliquot salubria abs te dari postulamus : ut quemadmodum vulpes pilos non mutat suos, ita etiam & mores nostros nunquam immutemus ; ne ex his esse videamur, de quibus Horatius cecinit.

Dum vitant stulti studia in contraria currunt.

Extra undam ergo & fumum, elegantibus tuis documentis, longe compelle carinam. Vale, ex Hoppenem, & quæ nos vel facere vel docere volueris quam primum rescribe.

XVI.

DOCTOR GRYTZ CASTRI-

manno Echnobiensi S. P. D.

Quemadmodum non ægrè patior, Castrimanne, ab omnibus fere Theologis & sacrarum literarum cultoribus contemni ; ita plurimum lætor à vobis omnibus, hoc est, ab Obscuris Reuchlinistis, nunquam satis in umbrosa Judæorum Synogoga laudatis, commendari. Excudi moralia quædam præcepta, quæ cum legeris dicto citius obstupesces, admiraberisque

risquè, quòd talia à nobis edita atqve ad-
inventà, apud te potissimum, ad Obscuro-
rum omnium institutionem studiosè ob-
serventur. Illis ergo diligenter à te per-
lectis divinitatem quandam in me esse in-
telliges, ut verè animus meus sit de cœlo
sumptus ignis. Hæc ergo quæ sequun-
tur tibi ac tuis præscripta esse volumus.

*Canones sacros & Ecclesia statuta nunquam
observanto,*

Obscurorum patronis semper obediunto.

*Theologis Religiosis & poetica ignaris, reve-
rentiam nunquam exhibento.*

*Cum Musarum inimicis inhumanè semper
versantor.*

*Adulterinum in digito annulum & torquem
in collo fucatum gestanto.*

Omnibus bonis calumniam inferunto,

Baccho ac Venere nunquam abstinento.

*Obscurorum epistolas & oculare speculum
Joannis Reuchlin diligenter legunto.*

Die noctuque per vicos divagantor.

*Ineptiis, blasphemis & herasibus raro aut
nunquam parcunto.*

Omnem

Omnem malitiam libenter docento.

Arrogantiam & temeritatem pro virili coalunto.

Aleâ & ebrietate cuncta dissipanto.

*Raso capite, proluxâ barbâ, laceratis caligis,
& veste detritâ frequenter incedunto.*

Domus Prælatorum tempore prandii importunè visitanto.

Fatuorum & histrionum mores semper habento.

Convivio magis quàm consilio se aptos præparanto.

Dominicis feriatisque diebus, rem divinam sacramque concionem æspernantor.

Sapientum bonorumque virorum admonitiones contemnunt.

Histrionum ac Sycophantarum scholas in dies frequentanto.

Christi Evangelia & sacras literas in malam sæpè partem interpretantor.

Simplices & columbinos decipiunt.

Cum Judeis & hominibus nequam quotidianam consuetudinem habento.

Cum

*Cum sacco per civitatem epigrammata can-
tando.*

Gladium & sicam truculenter ferunt.

Nemini gratitudinem exhibent.

Creditoribus fidem nunquam servant.

Blasphemare & in bonos invchi assuescunt.

Apparere magis quam esse decertant.

*Domum in dies vinariam, ganeasque ingre-
diuntur.*

*Morituri nihil unquam executoribus re-
linquunt, sed solis duntaxat homini-
bus multum debent, animamque tan-
dem apud inferos sepeliunt.*

Ad hæc cum quotidianâ exercitatione
melius sit nihil, & rectissimè à Cæsare di-
ctum sit omnium rerum magister usus, at-
que altera ab Aristotele natura: hunc ab
Obscuris morem servari volumus, ut sin-
guli suum sibi habeant siye Kalendarium,
siye Diarium, seu malis ephemerida cum
Græcis dicere. Quo in libello quotidie,
pro suo quisque in studiis & profectu &
ordine, quædam id genus documenta vi-
gilanter adnotent, quamvis sæpenumerò

exigua, ubi tamen in summam coaluerint (facilius enim tritico lolium crescit) non parum profutura, quid multis? Receptui nunc canendum est. Nam teste Horatio:

*Quicquid precipies, esto brevis: ut cito dicta
Percipiant animi dociles, teneantque fide-
les.*

Hoc solum adjiciam, quod juvenalis nobis scriptum reliquit.

*Aude aliquid brevibus gyaris & carcere di-
gnum,*

Si vis esse aliquid.

Vale, ex bicipiti Parnasso, & dii nos quàm diutissimè conservent.

XVII.

JOANNES GRAP POETA NOVE-
LIUS, Arnulpho Codriano Philosopho-
rum omnium Philosopho, S.P.D.

LEgi nuper apud Aristotelem primo Physicorū, tria esse (proh! pudor turpe est dicere) rerum prima principia, materiam, privationem & formam. Alio item in loco, Solem & hominem generare hominem. Quæ si vera sunt, ridicula mihi

pror-

prorsus esse videntur, quum neque in Epigrammatibus Martialis, neque in Satyris Horatii, aut id genus aliis Poëtarum libris hæc ita esse legantur. Tenes sententiam meam. Quapropter si tu quid nosti rectius illis, candidus imperti: si non, his utere mecum. Vale, ex rure suburbano, ubi me culices & pulices animo tranquillo esse non sinunt.

XVIII.

CODRIANUS PHILOSOPHORUM

Philosophus, Joanni Grap, Apollinis & Musarum alumno. S.P.D.

O curas hominum! ô quantū in rebus inane est!

Quid obsecro tanti facis Philosophi in Physicis ænigmata, quæ Oedipodes ipse non solveret. Fumosum profectò rancidumque lardum sapit, qui veterum magis Philosophorum quam Poëtarum sententiis delectatur. Martialis scommata & Ovidiani Amores unà cum Propertio atque Tibullo, tantum cœteris Philosophiæ documentis præstare videntur, quantum mulus asino antecellit. De his

E

ego

ego Philosophis loquor, quos S. Theologiae Doctores & alii Liberalium disciplinarum Magistri plus æquo venerantur. Ne tamen ad parietem seu potius ad mortuum verba fecisse videaris, aut surdo fabulam in tuis ad me literis recitare: Errat vehementer Aristoteles, materiam, privationem & formam tria ponendo rerum principia. Ego potius aërem, terram & mare collocavero. Ex aëre enim pluvia in terram cadit, quæ jam iterum atque iterum inebriata, leones, apros, oves & boves; Omniaque nobis, cæterisque mutis animalibus necessaria producit. Mare verò pisces largitur, ne quadragesimalibus diebus in via deficiamus. Solem autem & hominem, generare hominem impossibile est; sed rectius virum & mulierem in geniali lecto id facere solitos crediderim. Hæc enim facilia intellectu sunt, quæ Scotus ipse, quem alii subtilem appellant, & Albertus Magnus nunquam intellexere. Vale, ex montibus Riphæis, Octogesimo nono Idus Septembris.

XIX.

ADRIANUS SINKENSIS SIMEONI

Lulliano Poëtæ decies laureato Salu-
tem nullam dicît.*Non mihi si centum lingua sint, oraque cen-
tum,**Ferrea vox, omnes scelerum comprehendere
formas.**Omnia panarum percurrere nomina pos-
sem.*

QVis unquam credidisset, mi charissi-
me Simeon, Poëtam Poëtæ, aut Ora-
torem oratori vel fuisse vel esse contrari-
um? Quid turpius? quid infelicius? quid
abjectum magis, quàm proprio perstringi
gladio & à suis insperato confundi? O nos
miseros atqve infelices Reuchlinistas! qui
sedentes in tenebris & in umbra mortis,
multa nobis ac nostræ tandem professioni
adversâ experimur. - Campanus enim
(hei mihi! vereor scribere) in suâ ad Car-
dinalem epistolâ, nos fortasse obscuros in
Spiritu redarguens; Quid enim dolus
(inquit) nisi Poëtarum mendacia absurda

& venefica; quibus mulcentur aures, animi decipiuntur. An possit quisquam non falli si poëtas sectetur? qui non investigatores, sed & confectores atq; infectores fuerunt mendaciorum. An esse non lascivus, si inter illorum fabulas cantilenasq; versetur, refertas pruritu & titillatione voluptatum, libidinum, flagitiorum? Nam quod tu flagitii genus in poëtis non invenies extolli & prædicari? Digni illi quidem qui & vates & divini dicerentur ministri eorum Deorum quos habebant profligatissima & perditissima quæquæ postulantes: si modo erant hi Dii, & non stultitia potius eorum, qui hæc confinxissent, referentes omnia ad appetitum quisque suum insanum & amentem. O Lulliane, ô Simeon Lulliane, quam nos hæc verba perstringunt, & indelebile nobis scandalum mortemq; sempiternam minantur! Sed quæ sequuntur? Finxerunt sibi sermones nequam poëtæ. Locutum est mendacium os illorum & secuti sunt vanitatem. Ad increpandum verba concinnant & sermonem protu-

tulerunt in ventum, & tamen nescio quam sibi persvadent gloriam nominis, quæ nihil est profutura si comparetur. Poëtarum igitur insignem stultitiam per sanctè carpens Hieremias: *Ecce (inquit) vos confiditis in sermonibus mendacii, qui non proderunt vobis, & secuti Deos alienos in Balaam, hoc est in voraginem & præcipitium deducatis.* Ad unguem Hieremiæ sermo poëtas irridet, quorum totidem Dii sunt quot nugæ. Ita perniciosi sibi Poëtæ, perniciosi & cæteris si lectitentur. Tam potest quisquam inter illorum scripta non enervari, quam in igne non uri, in aquâ non profundi, infici non sordidari. Etenim qui tangit picem, inquinabitur ab ea; & perdifficile est inter impudica verba fieri non impudicū. Extollunt omnes unâ voce poëtæ voluptatē illâ se illaqueari cupiunt, eam auro & regno potiolem arbitrantur, hanc prædicant, hanc complectuntur; quorū unus ex præcipuis, dū huic vacat, Regum, inquit, magnæ despiciuntur opes. Alter magister ille, quem dixi, in mediâ Vêhere extingui

se, ait, cupere, ut ritè meis consonet, ut qui vixit perditè moriatur perditissimè, *ut quisque tali veniens in funere dicat, conveniens vitæ mors fuit ista sua.* Vergilius non modo legendus pueris, sed imbibendus figendusque memoriæ; sed censetur duntaxat pueris, qui ornatum possint capere & elegantiam, lasciviæ ne quidquam sentiant, aut si sentiant non corrumpantur. Sit igitur lumen verum, idem Campanus ait, quod afferimus, dirigat non præcipitet, ne qui ad lucem positi sumus aliorum, ipsi obtenebremur. Deus qui dixit de tenebris lumen splendescere, ipse illuxit in cordibus nostris ad illuminationem scientiæ claritatis Dei, non poetarum non nugarum, non mendaciorum. Eramus tenebræ qui in his fabulis versabamur, facti sumus lux; qui è tenebris ad cœlestia, ex mundo ad Christum commigramus. Senecam quoque audiamus libro de beneficiis; ineptiæ inquit, Poetis relinquantur quibus aures oblectare propositum est, & dulcem fabulamnectere. Sed qui inge-

nia

nia fanare, & fidem in rebus humanis retinere, ac memoriam officiorum animis ingerere volunt, serio loquantur & magnis viribus agant. Adest Cicero qui libro II. de divinatione, nihil vult esse in Philosophia commentitiis fabellis loci. Et commentator super II. Methaphysicæ: consuetudinem audiendi apologos & maximè fabulas impedimentum esse vult in cognitione veritatis. Postremo Hieronymus noster in epist. de duobus filiis, Dæmonum, (inquit,) cibus, est carmina Poetarum, secularis scientia, Rhetoricorum pompa verborum. Nulla ibi saturitas veritatis, nulla justitiæ refectio reperitur. Studiosi earum in fame veri & virtutum penuriâ perseverant. Hæc itaq; & id genus alia multa, quæ brevi huic epistolæ commendanda non sunt, in nos Obscuros homines & degeneres (sic enim me loqui vult conscientia) Reuchlinistas, non obscure dicta videmus. Otremendum ergo apud Inferos Plutonium! O funestam Cacodæmonum turbam, quorum (proh dolor!) instinctu

maligno, tam obscoena in nostris epistolis, non in viros modo præstantissimos & optimos, verum in Salvatorem nostrum ac sanctos ejus; turpissima quæque, pice etiam ac sulphure tetriora hæreticorum more simul effudimus. Nullus enim locus (ut audio) intra Oceanum est, ubi nostræ non sunt visæ Epistolæ, ubi inquam nostra in Ecclesiam Dei scommata, & pestilentes quædam in Christum ejusque Matrem blasphemiae; ac mille tandem contra omnes bonos mendacia non habeantur in pretio: apud eos maximè qui poetis figmentis obrutuerunt, nobisque sunt quam simillimi. Transcenderunt enim Alpes execrabiles illæ nostræ epistolæ, montesque Armenios Caspios etiam & Riphæos, ac totum penè terrarum orbem coeca omnium nequitiarum nube ac tartareo impudentiæ fumo, longè lateque obumbrarunt. Quapropter Sanctissimus in Christo Pater ac Dominus noster Leo Papa Decimus non immeritò nobis Obscuris Reuchlinistis maledixit, nec nobis solum

solum verum etiam cunctis nostrarum in-
 vectivarum, impressoribus, venditoribus,
 conservatoribus, illasque triduum intra post
 Apostolici Decreti notitiam comburere
 differentibus. Video igitur nos & mise-
 ros esse & infelices omniumque crimi-
 num genere delibutos, ac planè suffarcina-
 tos, brevisq; , (ni Gog & Magog unà cum
 Antichristo suo vel potius nostro nobis
 præsidio sint) ad inferos catervatim de-
 scensuros. Vale ut potes, & favissimis
 tuis literis me quam primum consolare.
 Quod si non feceris, Delphos petam, no-
 stro Apollini, Musisque novem cuncta re-
 laturus. Ex Cremona, Nonis nuper Se-
 ptembribus.

XX.

SIMEON LULLIANUS ADRIANO

Sinkensi S.P.D.

*Quid Tibi vis? calido sub pectore mascula bilis
 Intumuit, quam non extinxerit urna cicuta.*

A Ccepi literas tuas, charissime frater,
 Nonis ad me nuper datas Septembribus
 quas profecto (sic me Dii conservent,) vel

E 5

Nelleo

Nesseo per Te sanguine vel Hydrino ab aliis veneno tinctas crediderim; si mortiferis quibusdam in nos aculeis, atque amarulentâ prorsus in Obscuros reprehensione & vivunt & spirant. Tibi igitur Atticè ad me literas danti, Laconicè tandem respondebo. Antonium ego Campanum (virum alioqui & eruditum & excellentem, clarissimum quoque tum Oratorem tum Poëtam) à Theologis fortasse aliquot senio confractis & Christianæ fidei cultoribus facile seductum crediderim. Ad Hieronymi præterea atque Senecæ paroemiam, nihil est, quod hoc tempore respondeamus. Ego enim qui novies à Musis & semel Apolline, in Cyntho monte quidem & sublimi & aspero laureâ coronatus sum, salutiferam (quam agunt) Theologorum redargutionem pati non possum. Singula enim regio suos habet cantus & quisque suo vivit more: Ad inferos autem cum descenderis, primum mihi in Elysiis Campis, illuc tandem venturo, locum obtinebis. Valeamus itaque ut possumus,
quan-

quando ut volumus non licet. Ex Helicone, Musis novem unè cum Apolline-chorisantibus.

XXI

PIGMALION INSANUS HEN-
rico juniori S. P. D.

MOriturum credo risu fuisse Democritum, si nostras olim Epistolas, quas Obscurorum inscripsimus & alia id genus nostrorum contribulium deliramenta le-ctitasset. Sed hoc me plurimum conturbat, quod viri boni & verbosos nos esse dicunt & nugaces omnigenisque tormentorum generibus interimendos. Quid multis? Quantum mihi videre videor, si Troës unquam fuimus hoc est, vel fortes vel strenui, Myforum certè nunc ultimi sumus, quos despicabiles in primis & ludibrio quondam habitos non ignoramus. Vale cum tuis & cras responde, ne in mediis sitibundus undis cum tantalo exarescam. Ex urbe Trebericâ, pridie Idus Septembres.

XXII.

HENRICUS JUNIOR PIGMA-

lioni suo S.P.D.

(sunt,

*Rumpor & ora mihi pariter cum mente tume-**Pe. Horaquè inclusis ignibus usta dolent.*

Mileor te hominē audacem. ac planē te-
merarium urbem ingressum Treberi-
cam, qui in nostris scripsisti Epistolis: Chri-
stit unicam vestem esse antiqvam & pedi-
culosam. Recte igitur tibi insano no-
men, qui sanus nonnunquam tantam
incurristi insaniam. Revertere, Pigma-
lion, revertere, ne carnifex illic san-
guinarius te supinum in furcam suspen-
dat. Quod autem de Abderite Philoso-
pho scripsisti non possum non probare:
plerique tamen (ut audio) credunt magis,
illum si ab inferis resurgat, nobis derisui
ludibrioquē futurum, novorumquē si-
mul criminum materiam præbiturum: ut-
pote qui pro nostra inveteretâ libidine &
malitiâ prorsus in dies infinitum exere-
scente, non solum stultitiâ & temeritate
nostrâ contenti sumus, sed prudentiam

quo.

quoque, si qui prudentes sint, sapientiamque contemnimus, & quorum vereri debemus auctoritatem praesentiam frequenter irridemus. Vale diu, & Deos ora immortales, ut nos perpetuo ab invidorum livore defensent. Ex templo Dianae Ephesinae.

XXIII.

JOACHIM CARBUNCULA.

nus Joanni Buffelino.

PRæterii nuper Coloniae Theologorum scholas, celebres profecto & magis quam ipse putaram bonis omnibus venerandas: ubi inter disputandum nonnulli aderant, & hi quidem de caliginosa Obscurorum Reuchlinistarum cohorte, sub vapido medius fidius pectore astutam gerentes vulpem. Qui cum perfrictâ fronte & obstrepero simul clamore poetarum fabulas solamque eloquentiam (ut nostra fert consuetudo) syllogisticis Theologorum disputationibus anteponerent, Doctor quidam Silicernius censorium representans Catonem, Nihil, inquit, cum fidi-
bus graculo; nihil cum Amaricino sui.

quo expressissimè (ut sic dicam) & soler-
ter significatur neque melodiam avibus
obstreperis, neque unguenta porcis con-
venire lutosi. Fabulis igitur assueti &
secularibus solum delibuti literis, gravissi-
ma quæquæ & divina contemnunt. Quod
quàm sit flagitiosum nemo prorsus sapien-
tum ignorat. Legunt etenim (at nesciunt
tamen) holitorem sæpius (ut est in prover-
biis) opportunè loqui, sordidoq; in panno
sapientiam nonnunquam latitare, quæ ca-
lamistratam non desiderat orationem, le-
vibusq; poetarum figmentis tantum præ-
stare creditur, quantum animi corporibus
& bestiis homines antecellunt. His itaq;
peractis & immodicâ nobis confusione
obortâ, tristes una aufugimus & id qui-
dem hospite non salutato. nam si graves il-
li viri nos leviculos deprehendissent, gra-
ves procul dubio nostræ temeritatis pœ-
nas in scalis dedissemus. Vale diu. Bon-
næ, ex domo antiquæ mulieris, quam vul-
gonisam appellant, quæ nos esurientes im-
plevit rapis & divites dimisit invitatos.

XXIV.

JOANNES RUFFELINUS

Joachimo suo S.P.D.

O funesta dies, ô lamentabile tempus!

O furor, ô rabies, ô detestabile virus!

O dolor! ô Regum impietas! ô mortua virtus!

EXclamare non immerito possumus, mi svavissime Joachim, eas nobis in tenebris illusiones oboriri, quos insani homines ferre ne utiqvam possent. Quapropter ut huic rei propius accedam, eadem tibi audienda est historia. Peroranti mihi nuper Moguntiaë de literis politioribus, easque cunctis tam veterum quam Neotericorum disciplinis anteponenti, Theologus quidam & canitie venerabilis & sermone. (ut verum fatear) unus omnium modestissimus: Oratio, inquit venusta & perelegans, non habens dignam auditu sententiam, ridicula est planeque volatilis, inculta etiam, ac strepita exhibilanda auditorum. Nam sicuti corpus vivum nobilius est non vivo; sic etiam oratio gravis & humili contexta filo, eleganti

nobilior est non gravi. Itemque quem-
admodum corpus non vivit in quantum
corpus, sed per id (alias enim omne cor-
pus viveret) quod nobilius est, puta ani-
mam: ita etiam Oratio magis verbo-
rum pompa quam sententiarum gra-
vitate exurgens, exanimis est, penitus-
que rejicienda; præsertim si bonos laces-
sere, malis adulari, ac suos tandem erro-
res vel insaniam potius per omnes impu-
dentiae numeros defendere non eru-
bescat. Hæc me invitum audire, viri
coëgit auctoritas: quæ si talpis tene-
bricosa, lyncibustamen (ut illi volunt)
perspicua satis esse videntur. Ego autem
quod scire cupis, illis nequaquam adsen-
tior, etiam si virtutem ipsam, millesies
cælo delapsam (obstinati enim in malitiâ
cum Diabolis sumus) luce clarius intuerer.
Verum hæc aliàs. Quod præterea Co-
lôniam in salutato hospitè reliqueritis, ni-
hil mihi potuit vel auditu jucundius vel
laude magis dignum referri. Hoc enim
nobis semper agendum esse, in statu is

nostris provincialibus à Doctore Grytz nuper editis, apertissimè continetur.

Postremò autem vos plurimum laudo atqve magnifico, quod solâ fugâ vestræ incolumitati tam ingeniosè prospexistis. Quod nisi factum fuisset, sacco forsitan illic vos Cathégorico inclusos in Rhenum coniecissent; Vale cum tuis, quam diu voles. Tam diu autem velle debebis, quoad Te Obscurum Reuchlinistam esse non poenitebit.

XXV.

ANTI PHO CASTRONIUS

Joanni Corvino S.P.D.

Rogasti me sæpenumero per literas, Corvine, ut epistolam Joannis Pepericorni ad summum nuper Pontificem missam, tibi pro nostro in Te officio legendam procurarem. Respondebo igitur petitioni tuæ, quanquam & id pro nostro in Te officio (ut verbis utar tuis) facere neutiquam debuisssem. Nec mirum. Quid enim stultius? quid dedecorosius? quid injucundū magis quam tyronis gladio

dio militem confodi veteranum. Capnio Zoilus profectò est publicus Judæorum hostis, qvi in sua etiam ad Sanctissimum defensione ita nos omnes rebus convincit necessariis, ut bonis omnibus ludibrio esse videamur. Atqve sic à summis eruditissimisqve viris accepimus, eundem Pepericornum (*et si rumpantur illa Codro*) tantâ virtute, tantaqve præditum humanitate, ut laudem potius bonorum, quam insignium meruerit Reuchlinistarum contumeliam, qvi seipsos Obscuros ultro dici voluere. Nam qvi animas quatuordecim Diabolo subtraxit & Christo consecravît, eum in fide Catholicâ sincerum esse dicamus necesse est. Hoc credi jubet veritas, quæ quantam (etiam inter malos) habeat vim non ignoras. Verum hac de re satis, tu quæ scribat intueri, & nos ut soles ama. Vale diu, Romæ ex nostris ædibus, XVI. Kal. Octobres.

EPISTOLA

JOANNIS PEPERICORNI

ex Tentonico in Latinum translata.

Bea-

Beatissimo in Christo Patri Domi-
no nostro, D. LEONI divinâ providentiâ
Papæ X Reverendissimisq; Cardinalibus
Joannes Pepericornus olim Judæus, nunc
verò Christianus omniumqve minimus,
post pedum atqve manuum oscula, sese to-
tum subjicit & auxilium adversus im-
piissimè scribentes humiliter
implorat.

Beatissime Pater, quanquam minimè
dignus sum, ut vel ad sacratissimos pe-
des Tuos, vel ad Celsissimam Tuæ Sancti-
tatis sedem verba profundam: tamen quia
Reuchlinistarum nuper quorundam (quos
Obscuros vocant) contumeliâ, falsissimis-
que quibusdam invektivis extimus penè
factus sum ab ovili tuo, Christi vulneribus
septo, non possum non sperare & firmiter
credere, quin si Neophytus ipse veritatem
proposuero & per viam Regiam ambulan-
do instar Divi Pauli Synagogam Satanæ &
colluvionem judæorum execrabilem tor-
tuosumqve labyrinthum pro mea parvi-
tate suppressero, immortale sim cum Bea-
tis

tis præmium habiturus; nec minorem etiam gratiam in oculis Sanctitatis Tuæ. Verum enim vero cum sub hoc orbe lunari Christi vicem perbeatè in terris geras; & alterum nobis Deum repræsentēs, personarum acceptor esse non potes. Sed quo me vertam præ dolore? Quibus supplicabo? Quos miser ipse implorem? Te mediis fidiis Patrem beatissimum quem admiranda probitatis omniumque virtutum merita & incorrupta vitæ integritas ad supremam atque inaccessible penè mundi Cathedram, jure optimo extulerunt, qui & misericordia dignis misereri, & superbos debellare, pro tua moderatione atque justitia quam optimè didicisti. Cæterum Beatissime Pater, ut ad rem ipse paulatim declinem: Postquam Serenissimus noster Imperator, omnium literis atque lingvis extollendus, Universitatibus aliquot Archipræsuli etiam Moguntino, itemque & hereticæ pravitatis Inquisitori, ac Joanni denique Reuchlin legum Doctori jam pridem demandasset, ut quid de libris

libris judæorum quibusdam scandalosis & in Ecclesiam Dei blasphemis agendum foret, ad Salvatoris nostri honorem omniumque regeneratorum salutem quanto cyus deciderent. Cumque omnes excepto Joanne Reuchlin, velut uno ore ex instinctu Spiritus Sancti pro Christo & loquerentur & scriberent; solus ipse inventus est, qui (ut multarum Universitatum testimonia probant) judæorum perfidiæ magis quam Sedi Apostolicæ aut Sacratissimo fidei negotio in sua consultatione adhereret. Taceo (proh pudor! nefas est dicere) quod in eadem suâ consultatione (quod postea Speculum Oculare est appellatum) me nuper in Christo, feliciter baptizatum nullis meis demeritis (quia alter alterum non noverat neque viderat unquam) quovis modo præcedentibus apud C. M. male tractarit, verissima quædam contra me pro Judæis falsissime improbando. Quapropter mihi proh dolor! sic curarum omnium libero, nihilque fraudis inopinæ cogitanti, respondendi stylum vel invito ob-

objecit, quo semper is qui læsus est prior (quamvis etiam intra infimos omnes esse homines videatur) tueri sese & id quidem duce naturâ, non instrenuè ab adorantibus potest. Multis itaque id Genus aliis rebus ac clausulis (quæ in nostra ad tuam Sanctitatem defensione prolixius continentur) non indecenter omissis, hoc solum adjiciam, quod ipse Joannes Reuchlin & sectatores ejus Cæs. Maj. mandatum, de silentio ultrocitroque observando, non solum non observarunt, velut nostra epitome sive summarium explicat; sed ne Tuæ quidem Beatitatis solenni decreto parentes, in me alogum atque optimum quemque è nostris, supra quam cuiquam credibile est in execrabilibus suis Epistolis, quas Obscurorum inscripserunt, per omnem impudentiæ contumeliam omne virus fonticum, velut polylogi turpiter exspuerunt. Veruntamen, quia (ut fides nostra Catholica habet) nullum sine auctoramento est malum, iidem nescio qui perduelles Reuchlinistæ minimè natura cicu-

cicures manifestâ phrenesi in me ovem
misellam (& id quidem absque suorum
nominum professione) crudeliter debac-
chantes, justas meritò pœnas darent, fœ-
dam suorum orium graveo lentiam & vo-
ce & scriptis revocantes : irritatus igitur
& coactus librum quendam in Christo
edidi, quam vulgò Apologiam vocant, Ti-
biqve Patri Beatissimo, vobisque Re-
verendisimis Cardinalibus perlustran-
dum ac defendendum hoc pacto nuncu-
pavi, ut vera mihi auxilium falsa autem se-
veram sine gratia censuram administrent.

Tuam itaque Sanctitatem velut Domi-
ni nostri locum in terris tenentem ac Mi-
nistrum & Ducem Universalis Ecclesiæ,
suppliciter invoco. Te certum & indu-
bitatum. Beati Petri Successorem implo-
ro, ut me Christianum intra septa tua cum
cœteris latitantem, & infinitis penè inju-
riis penè enectum à lupis rapacibus lace-
rari non sinas. Vos quoque Reveren-
dissimos Dominos Cardinales, veros ju-
stitiæ Patronos appello, vos obtestor, vos
ob-

obsecro, ut veritatem profitenti & indignè à malevolis læso, salutis opem præstare velitis. Quod si feceritis, plures procul dubio Judæi ad fidem nostram convertentur. Nam qvi animas quatuordecim è tenebris cœcorum ad veritatis lumen traduxi, nullam comēui Christianorum contumeliam. Vale feliciter Pater beatissime; vosqve Reverendissimos Ecclesiæ Primates, verus DEUS, verusqve DEI filius quam diutissimè conservet.

XXVI.

JOANNES CORVINUS

Antiphoni suo S.P.D.

O Magna vis veritatis ! quæ contra omnium ingenia, calliditatem solertiam, contraqve factas (ut Tullius ait) omnium insidias, facile seipsum defendit. Si enim & innocentes & boni existimari volumus, non solum nos abstinentes (ut est apud eundem) sed etiam nostros comites præstare debemus. Primum igitur omnium, tanta nobis opera danda est, ut eos habeamus amicos, patronos etiam ac defen-

defensores, qui nostræ famæ capitique consulant. Denique si in his ipsis prudenter deligendis, spes ipsa nos fefellerit, ut vindicemus, multarumque Universitatum Theologos supprimamus, missos facere consilium est, & temeritate duntaxat atque mendaciis (ut in hunc usque diem fecimus) pro virili decertare. Literas autem Pepericorni, quas ad me in faustis dedisti avibus, lacrymis prope delevi. Nam tanta mihi innata est malitia, ut veritatem ipsam contra Joannem Reuchlin triumphare pati nequiquam possim: Etsi Lactantius Firmianus libro primo Di. inst. nullum esse voluerit animo cibum suaviores, quam veritatis cognitionem. Cave præterea de numero nos esse Obscurorum Christiani intelligant, ne veterum consuetudine, viri fortes acrioribus suppliciis civem perniciosum quam hostem acerri- mum persequantur. Vale diu, nec tuorum te poeniteat delictorum. Ex Heydelbergâ.

XXVII.

JOANNES JAMBICUS

Bartholomæo Sapphico S.P.D.

Vetus mihi tecum ac stabilis (ut nosti) semper consuetudo fuit, quæ nec temporum calamitate, nec livore peribit invidorum. Te igitur oro atque obsecro, ut aliquot mihi carmina ad convivalem nostram mensam suspendenda componas, quo & plenum nobis sapiat vinum & cum Libero patre, liberi à Theologis esse possimus. Vale Specimen Obscurorum.

XXVIII.

BARTHOLOMÆUS SAPPHICUS

Jambico suo S.P.D.

Reditæ mihi sunt jucundissimæ literæ tuæ, quibus minus liberè quam oportet ab amico petis, ut carmina tibi aliqua mittantur ad mensæ frontispicium depingenda. Quo circa cum, teste Philosopho, frustra fiat per plura, quod paucioribus absolvi possit, unico duntaxat Lucilii versu (quem Altejus Capito facit plurimi) tuæ satis faciam expectationi; isquæ tandem est.

Vivite

Vivite lurcones , comedones , vivite ventres.

Vale decus Obscurorum, & nos amare persevera.

XXIX.

MACHAON GURGULIO.

Philippo Ligurario S.P.D.

INtellexi commentaria quædam esse edita in duodecimū Physicorum Aristotelis & in sextum de anima, quæ ut brevi habeam , tui erit officii providere. Est enim mihi à Valeriano urbis Præfecto, ordinaria nuper in illis lectio assignata, cui respondere & Theologis reniti nostrum est institutum. Vale & Te amantem redama. Tubingæ IV. Idus Octobres.

XXX.

LIGURARIUS SUO

Gurgulioni. S.P.D.

QVæ à me petis in Aristotelem commentaria, vidi nunquam: Cave id viri olfaciant sapientes , ne ridiculum nos esse genus hominum arbitrentur, neve tu cum Phyllide Ovidianâ insperato exclami-

mites, *Heu patior, telis vulnera facta meis.*
 Duodecimus Physicorum liber, *rara avis*
in terris, nigroque similia cygno. Si autem
 Theologi nos tam rudes Philosophiæ in-
 tellexerint, actum de nobis erit. Nam
 quid Picus Mirandula de levibus quibus-
 dam Grammatistis ad Hermolaum scri-
 bat, non ignoras. Vale Gurgulio, tibi-
 que persuade, unam eandemque in malis ani-
 mam nostris inesse corporibus.

XXXI.

ANDREAS CASTRIMERGIUS
 Osvaldo Flockano S.P.D.

Librorum copia me plurimum delectat,
 mi Flockane, hoc tamen unum procul
 excellit atque eminet, non solum, quia
 majus, aut factum egregium, sed quod per
 ingentes librorum fasciculos & onerosam
 fabularum congeriem Theologos aliquan-
 do convincere possimus. Te igitur & hor-
 tor & moneo, ut novo aliquo opere, re-
 cens impresso, nos donare non dedigne-
 ris, etiamsi id ipsum multiplici lingua sit
 editum. Vale.

XXXII.

XXXII.

F L O C K A N U S S U O

Castrimergio S.P.D.

*In nova fert animus mutatas dicere formas
Corpora Dii cœptis (nam vos mutastis &
illas,*

Aspirate meis.

DO tibi dono Marcolphi dialogum, quem Cornutus Sibarita ex Latino nuper in Græcum transtulit : ita etiam ut nunc Atticam videatur redolere lucernam. Ego autem longius per cancellos videns, illum continuo ex Græcâ lingvâ in Scoticam, ex Scoticâ in Ligusticam, ex hac item, in Bohemicam Sclavonicam, Gothicam, Babyloniam, Ægyptiacam, non sine magno labore nocturnisque vigiliis traduxi. Habes igitur novum à me munus, frater charissime, mea quidem sententia magnum & Obscuris omnibus quàm maximè accommodatum, sed perinde erit, ut acceperis, quanquam & insipientes ipsi suam hinc sapientiam liquido haurire queant. Cave tamen hoc tam obstuper-

do tamqve egregio abutaris dono , ne ex novâ radice novum oriatur adagium : Sapientiam nostri temporis magis in lingvis hominum , quam in virtute aut morum sanctimoniâ consistere. Vale diu, & me tuum esse Apollinem crede.

XXXIII.

LOERCANTIUS SCHARPENECK
Mententulo Coss. S.P.D.

NE tu homo lepidus es, aut potius (ut ita dicam) inhumanus, qui periculosis hisce temporibus nihil omnino mecum literis obstrepas. In amore quidem mutuo non sic langvere debemus, ut pungentibus literarum aculeis ad suum quisque officium incitemur. Te igitur plurimum oro, ut literas ad me des, quibus certior fiam; quid tandem de nobis obscuris Parrhienses illi sentiant Theologi, quid item Lovanienses, quid Moguntini, quid Erfordenses & Colonienses Academiae Magistri, ac boni denique omnes. Vale

XXXIV.

XXXIV.

MENTENTULUS LOERCANTIO

suo S. P. D.

Scio te novarum rerum esse percupidum & in aliena Republ. maximè curiosum. Quid obsecro induratum refricas vulnus? quid ingrata auditu expostulas? quid Te proprio cædis ligone? Vis tibi veritatem dicam? ipsi profecto omnes, uno ore parique consensu levissimos esse leones prædicant, vel ob hanc potissimum rationem, quod os habeamus blasphemum, impudicatum, impurum, spurcatum, maledicum, foedum, obscœnum, contaminatum, sordidum foeculentum, superstitiosum, contaminatum, truculentum, impium, omniq; criminum visco oblitum. Postremo quod me magis movet, quanquam tot præclaræ Universitates *Oculare speculum Joannis Reuchlin* ad ignem condemnaverint & Coloniae pro tribunali combustum sit, ipsumque quem dixi auctorem Parrhisienses ipsi ad publicam velint revocationem compellendum: Tamen (ne diu-

tius Te morer) ubi dextram illi , nobis
procul dubio laqueum præberunt. Vale.

XXXV.

MALACHIAS LYRICUS

Cæsario Veder-Wiser S.P.D.

EGo Labeone atqve Orëste insanior,
qui dimissis nuper jucundissimis (ne-
scio qvo ductus spiritu) poëtarum fa-
bellis levibusqve (ut sic dicam) ob-
scurorum nugis , ad ultra mundanant
me contuli Theologorum speeulatio-
nem, ut quid facere possent literæ, ex-
perientiâ magis quam aliorum recom-
mendatione metirer. Lætitanti itaqve
mihi (qvum judicium habeam; ad per-
pendiculum, ad amussimqve quadratum)
nihil penitus, qvod animum oblectaret in-
veni. Fastidientem fortasse stomachum
multicolor offendit cibus, & elegantissi-
ma quæqve dejustare solitum, impolita ab
incepto rejecit oratio. Si enim sub me-
am censuram aleamqve sacrae Scripturæ
venirent interpretes , nequaquam eos
priscis Lingvæ Latinæ auctoribus compa-
rarem

rarem. Nihil ibi, (quantum meum fert iudicium) intra dies tres (quibus me totum illi dedicâram) invenire potui, quod vel M. Ciceronis vel Vergilii lucernam ole-
ret. Eam igitur, quam dixi, Scripturam
hisce Papinii verbis alloquimur,

Nec tu divinam Æneida tenta.

Sed longè sequere & vestigia semper adora.

Quapropter ne aquam cribro infundam,
neve Anticyram petens Helleboro, (ut
Theologi volunt) cerebrum expurgem
meum, sæcularibus ego literis contentus,
totam illis legendam relinquo. Cæterum
si à me scire desideras, quam potissimum
ob causam sacros ego aliquot Ecclesiæ Do-
ctores minus amem, ob hanc, inquam,
quod omnibus in locis Pseudo-Christia-
nos (quales fortasse nos sumus) severa
semper castigatione reprehendant. Hinc
illud ascitum est Terentii patris nostri ada-
gium; Obsequium amicos, veritas odium
parit. Vale cum tuis, & quid ipse sentias
responde. Ex Tubingâ XV. Kalendas
Octobres.

XXXVI.

CASEARIUS MALACHIÆ

suo S.P.D.

Rectè facis, mi charissimè Malachia, quod sacris quibusdam literis abs Te in exilium missis, solam loquentiæ maiestatem, solamque (quæ apud Oratores tantum est & Poëtas) bene dicendi vim, velut Apollinis nostri oraculum, studiosè excolas, reverenterque adores. Veruntamen tuas ad me literas in conviviali nuper sermone (id quod sine lacrymis dicere non possum) nostris contribulibus recitanti, quidam jurisconsultus, emunctas purgatasque nares habens, tortuosò respondit vultu, *Non falernum canes*. Adjecit quoque eum penitus amantem esse, qui sanctum cani det, & ante suam rosas margaritasque dispergat, nos porcos (proh dolor!) significans, qui terrena pluris quam coelestia faciamus, ac si apertè cum Hermolao Barbaro dixisset, nil opus esse tantis rhetoriis, nec ranis & quidem feriphiis quicquam propinare. Sic lætis inter-

terveniunt tristitia, mi Lyrice, & extrema gaudii (ut in veteri est proverbio) luctus occupare consuevit. Verum hac de re satis. Quid autem de literis sentiam Divinis, paucis accipe. Ego tuam subscribo sententiam, illi immorabor, illi soli serviam. Aperienti etiam mihi Psalterium, multa sæpe, (nescio quo id fiat spiritu) quæ nolim, offendo. Hæc imprimis. *Ecce peccatores intenderunt arcum, paraverunt sagittas suas in pharetra, ut sagittent in obscuro rectos corde.* Hic enim per ipsos peccatores (ut ab aliis accepimus) nos Obscuri intelligimur; per *rectos* verò *corde* Theologi. Item alio in loco Psalmista inquit, *Corrupti sunt, abominabiles facti sunt in studiis suis. Non est, qui faciat bonum; non est usque ad unum.* Et iterum: *Sepulchrum patens est guttur eorum; lingvis suis dolosè agunt, venenum aspidum sub labiis eorum.* Postremò sic: *Os eorum maledictione plenum est, & veloces eorum pedes ad sanguinem effundendum.* Hæc itaque alia id genus multa, quum ego corde obstinato & caligantibus oculis in obscuro perle-

giffem, illumque præfertim versiculum;
*Fructum eorum de terrâ perdes, & semen eo-
 rum à filiis hominum*: mox ego (ut verum
 tibi fatear in tenebris) toto à me Psalterio
 & multis Sacræ Scripturæ libris in frustra
 secatis ac deinde combustis, ad fabellas
 me contuli poëtarum, ubi quam dulcem
 invenerim cibum, & quæ Deorum escu-
 lenta cogitare poterunt pauci, dicere ne-
 mo. Vale in tenebris, & lucem fuge.

XXXVII.

CORIDON PEDICULARIUS MALA-
 chia Lyrico & Cæsario Veder Wi-
 ser suis contribulibus S.P.D.

LAudo vos plurimum, Viri præstantis-
 simi, quod dimissis Theologorum ac
 Jureconsultorum scholis ad Libethridum
 vos contulistis speluncam Nympharum,
 & ad divina illa poëmata, quæ nectar no-
 bis atque ambrosiam præbent. Qvis e-
 nim Thomam, Scotum, Albertum; Qvis
 Gregorium, Bernardum, Bonaventuram,
 Nicolaum Lyranum. Qvis sacros Cano-
 nes, sextum & clementinas; Qvis deni-

que

que Abbatem, Angelum, Felinum, Joannem Andreae, aliosque id genus infinitos; sermones etiam ac summas (ut ita dicam) ex diversis Ecclesiae Doctoribus compilatas legere dignaretur; in quibus parum aut nihil invenitur, quod Vergilianam redoleat lucernam? Quis praeterea istiusmodi libris impallesceret, qui severissime nos (sumus enim naturâ omnes ad mala quam ad bona procliviores) & redarguunt & castigant? jucundissima igitur legamus, eloquentiae saltem flosculis exornata. Quid jucundius quam Ledam à Jove in specie cygni stupratam ovum peperisse, ex quo Castor, Pollux & Helena nati sunt? Quid suavius quam Junonem Jovis fuisse & sororem & conjugem? Quid admirabilius quam Venerem ex testiculis Coeli in mare projectis legi procreatam? Quid tandem festivum magis, quam Pasiphaënam Minois, Regis Cretae uxorem bisforme ex Tauro monstrum peperisse? Omitto reliqua quæ si enarrare contendero, me sit dies delecturus. Valeant itaque qui inter

nos diffidium volunt. Valete & vos Tulingæ.

XXXVIII.

GEORGIUS SUBBUINCULATOR

Agrippæ Stygiano. S.P.D.

O Ridiculum caput! vix tribus anticyris sanabile, quid mihi de inferorum regno? quid de campis Elysiis, de præpotente Plutonis manu longè lateqve in terræ visceribus dominante, tuis ad me literis differuisti? Falsa sunt, quæ de inferis garrere soles. Nam Servius in sextum Vergilii, inferos negat propter ejus soliditatem in centro terræ contineri posse. Lucretius etiam nullos esse inferos cecinit hoc modo:

*Qui neque sunt usquam, neque possunt esse
perfecto.*

Sic Pythagoras apud Ovidium inquit:

*Quid Styga, quid tenebras & nomina vana
timetis,*

Materiem Vatum?

Quin etiam Marcus Tullius in Oratione pro Cluentio, falsa esse, quæ de inferis tradun-

duntur, indubitanter affirmat. Stultum est ergò ô stulte incerta pro certis habere, ac falsa pro veris. *Qualibus in tenebris vite, quantisque periculis Degitur hoc ævi quodcunque est?* si non sunt inferi si non sunt regna Plutonia, Si Elysium ac Chymeram juxta habemus, quid obsecro nobis erit, quo Rege cœli contempto & virtutibus denique omnibus in exilium missis, inter saxum & sacra perpetuo lamentabimur. Vale.

XXXIX.

AGRIPPA STYGIANUS SUB.

bunculatori suo S P.D.

TAce, bestia, tace, inquam, bestia, qui corpus es sine pectore & nodum in scirpo quæris. Noli metuere, ne non regna sint inferorum. Faciam Georgi, ut mei perpetuò memineris, neve in Te docendo operam lusisse videar, tres intra dies mecum cum Plutone cœnitabis. Ibi enim de cocyto, Acheronte lethæo anæ, stygia palude, phlegethonte, furiis infernalibus, Tantalo etiam ac Syssipho certum Judici-

dicium dabis. Te quoque per Deos immortales, per Caput, per fidem, perque inferos omnes obtestor, ut Epistolam ad me tuam flammis confestim tradas, ne Theologi illam legentes, te poetarum figmentis corruptum dicant, omnemque ex illis errorum sentinam hauriri. Vale.

Nunciantur obscuris nova.

XL.

SCLABBERTUS KUCKVICK

toti Obscurorum Cohorti

S.P.D.

SOLVENTI hinc Francfordiam mihi ad Kalendas nuper Septembres, ut Judæis Christi inimicis nova quædam adferrem, visi sunt in naviculâ nostrâ Prædicatorii Ordinis fratres octo & clarissimi aliquot juris utriusque Doctores. Magnâ igitur contentionum habitâ occasione, ostendi illis Epistolam Joannis Reuchlinⁿ ad Kal. proximè April. ab eo concinnatam, ac deinde in lucem editam, in quâ Reverendum Hæreticæ pravitatis Inquisitorem Canem appellat & Cerberum. Quod cum illi

audissent: Mendacium est, inqviunt; quoniam teste Philosopho, species rerum transmutari non possunt. Nec iterum Cerberus dici potest, quem Tullius lib. primo Tusc. quæstion. esse apud Inferos negat. Hæreticum est ergo vivum hominem bestiam dici, quæ animam habet mortalem. Adjecerunt præterea, istiusmodi convitiis nihil ad primam Inquisitoris Apologiam responsum esse: sed mendacia solum mendaciis aucta. Scribit enim inquisitorem plus centum locis esse mentitum, sed nullam rationem, nullumque allegat locum. Vult quoque eundem (Patrem alloqui pientissimum plenumque & Officii & religionis) profugum ab urbe turpe nque rei familiaris fratrum suorum dilapidatorem Aurum etiam Judæorum sitire, deditaque operâ, uno ore & unâ horâ pignantia & sibi contraria affirmare. Quæ omnia & id genus similia, quàm sint turpiter & dolo malo in viri invidiam à Capnione conficta, inquisitor ipse in secundâ suâ Apologiâ jam recenter editâ, lu-

ce clarius demonstravit. Quam qui legerit, dicto citius proclamabit, illam æquè Capnionis epistolam ac totam ejus defensionem præter nugas & convitia reliqui nihil continerè. Hæc cum audissem, totus ego *obstupui, steteruntque coma & vox faucibus hæsit.* Nam si secundam nundinis nunc Septembribus Apologiam ediderit, actum procul dubio nobiscum erit vel ob hoc solum, quod talem eam esse dixere, quam *nec Jovis ira nec ignis. Nec poterit ferrum, nec edax abolere vetustas.* Valete Patres conscripti, Ex Coronâ Moguntinâ.

JOANNES MURMELLIUS
libro ;1. Elegiarum suarum in laudem AR-
NOLDI Tungerensis summi & veri The-
ologi hoc carmen edidit ; quo quidem
CAPNION ipse & Obscuri omnes
non obscurè convin-
cuntur.

Nunc precor Arnoldum blandè fac Musa
salutes,

Tungrorum veterum spemque decus-
que novum.

Qui

Qui primos inter Proceres vestigia Divi
Alberti sequitur, optima quæque do-
cens.

Quem dubites morum laudes æqvabili-
tate

Amplius, an Sophiæ cognitione sacræ.
Externas cujus longè pervenit in urbes
Nomen, & insignis fama pudicitiae.

Hoc est Laurenti domus & Schola læta
Magistro.

Urbis Agrippinæ clarior & reliquis.
Hocque novum juvenes spatiando do-
cente lycæum.

Discipulos plures quàm Theophrastus
habet.

Huic præceptori multum debere fate-
mur,

Quamvis sit Sophiæ portio parva mihi.

Quærimonia fidei ad Obscuros
Reuchlinistas.

Gens inimica DEI, quæ te vesania torquet?
Quis furor usque adeo corda propa-
na rapit?

Spar-

Spargitis in Christi famulos Mavortia tela:
Nectitis & lethi retia sæva trucidis.

Quid juvat insontes sic Marte laceffere
duri

Christigenas ? quid sic nos jugulare
juvat ?

Vos colitis spurcæ sectæ ludibria Turci,
Tartareum colitis & sine mercede Jo-
vem.

Thura datis manibus Diti non iusta pro-
phanis

Atque vorant stygii turpia liba
canes,

Ecclesiæ Sacram nolite laceffere sedem,
Hanc Christus statuit. hæc sine fine ma-
net.

Pellite barbaricos vos Turci quæso furo-
res,

Nosseque supremum discite quæso
Deum.

Heus vestros animos seducit Pseudo-pro-
pheta

Quem Phlegethonte gurgitis unda vo-
rat,

Vana

Vana fides nestra est, non est ratione probata.

Adversus summum pugnat iniqua Jovem.

Ad mea dicta aures animosque intendite vestros,

Qui cupitis prompto noscere corde Deum.

Contra qui sanctas leges contemnitis, hinc vos,

Effugite, & sacras linquite quæso domos.

Τελειώθη ἡ ἐπὶ Θεῷ δόξα.

Finis & Deo gratia!

Epistola ad Lectorem protreptica, hoc est instructiva.

ORTWINUS GRATIUS Lectori Christiano S. P. D.

Sunt Obscuri quidam in terris Reuchlinistæ, Lector Candidissime, qui Deum blasphemantes ac Sanctos ejus, Charissimos aliquot Universitatum Theologos, meque postremò ipsum pro fide solum Catho-

tholicâ, contra Oculare Speculum Joannis Reuchlin, gravis (ut illi volunt) hæresibus plenum, ad sanguinem usque decertantes, contumeliosis laceffere convitiis non erubuerunt. Fictis enim sibi tum nominibus tum cognominibus (quam scribendi licentiam ab orbe condito nemo hominum est secutus) omnem maledicendi rabiem effudere. Quibus Sanctissimus Dominus noster Leo Papa X. pro suâ in Christum pietate maledicens, scandalosos illos garrulitatis auctores & filios iniquitatis non indecenter appellavit; utpote qui in maximo suorum facinorum crimine gloriantes, nullumque Deo honorem habentes, summam in Christi fideles impressionem fecere. Intueamur itaque valentes illos homines (in quorum sententiam nemo iturus est, & quibus nullos pejus odit mundus) quam tandem gloriolam seu potius infamiam suo Capnioni perpererint. Nescio tamen quibus loquor, Lector charissime; Obscuri sunt, nemo eos videt, nemo bonus novit. Quapropter

pter nemo eos offendit, nemo scandalizat. Si conscientiam suam aliquando intueri voluerint, & coram DEO suarum Epistolarum rationem reddere, commissi eos sceleris procul dubio poenitebit. Non unâ Epistolâ, verum sexcentis, ut sic dicam, iterum atqve iterum ampliatis, optimos quosque offenderunt. Notum est & publicum, ubi illorum Epistolæ impressæ sint; noti etiam auctores, nos tamen bonum pro malo damus, neque hoc loco quenquam Obscurorum nominare volumus, ne stulto respondisse judicemur juxta stultitiam suam, ne etiam contra Christi doctrinam vel viventibus illis vel mortuis scandali aliquid imponeremus. Cæterum si Apostolicas Censuras contemnere, si Ecclesiæ inobedientes & sacræ fidei (optimis quibusque illudendo) rebelles esse perseveraverint, repellet eos ab ovili suo Christus Salvator noster. Ut autem me plenius intelligas, Lector Christiane, teque non prætereant, quare præcedentes in hoc nostro libello epistolæ inscribantur

• *Lamentationes Obscurorum*, quum tamen à me solo compositæ & in lucem editæ sint. Dicam profectò & fatebor ingenuè, eadem me accepisse nomina & his similia, quibus Obscuri Reuchlinistæ in suis Epistolis, à Sede Apostolica jam pridem condemnatis, falsò usi sunt, ut sub talium fictorum nominum tegmine, illorum vesaniam bonis omnibus declararem. Nec item mihi ea res fraudi esse debet, quod levicula quædam, nostris hisce Lamentationum Epistolis intermixta sint: quum teste etiam Salomone, stulto nonnunquam respondendum sit juxta stultitiam ipsius, ne soli sibi sapere videatur. Hoc autem fieri non abs re posse nobis per beatè scriptum reliquit Sanctus Thomas Sec. Sec. Q. LXXII. De contumelia & verborum injuriis. Desinant igitur gloriari in malitiâ & neqvitiâ, quod est peccatum in Spiritum Sanctum. Modestiâ enim opus est, non iniquâ contentione, qua Capnionem etiam suum (& si omnium sese Sycophantarum longe neqvissimos multoque impuden-

pudentissimos ostendant) defendere ne-
tiqvam possint. Vale Lector piissimè &
hæc, quæ citra bonorum indignationem
dicta sunt, boni consulito. Coloniae An-
no M. ccccc. xviii.

Sequitur epistola apologetica &
gravis Ortwinii Gratii, ob primam à
parvulo educationem Daventriensis
cognominati; Agrippinensis quo-
que Academiae Philosophi, Christi-
que, Sacerdotis Obscuræ Reuchlini-
starum cohorti citra bonorum indi-
gnationem dedicata.

Graviter iniquo animo maledicta ve-
stra paterer, Viri Obscurissimi, si vos
scirem iudicio magis quam morbo animi
petulantiam vestram uti: At quum in vobis
(ut Salustii verbis utar) *neque modum neque*
modestiam ullam animadverto: nec sit sub
orbe lunari tam impiæ mentis homo, qui
id ipsum negare aut possit, aut debeat, aut
velit, vobis pientissimè respondebo, ut si
quam maledicendo in Deum & in homi-

nes libidinem cepistis, eam vel patienter (modo lucis filii esse volueritis) vel male audiendo, amittatis. Legi nuper Epistolas vestras, quas *Obscurorum virorum* inscripsistis: à Lamentationibus profecto vestris (quas alite calamo nuper exaravimus) longè differentes, utpote plenas omnis impudicitiae & iniquitatis. In quibus non modò viros eruditos & probos acerrimosque fidei Catholicae defensores, verum etiam Deum ipsum, nostrae salutis opificem, per omnes impudentiae numeros blasphemare, Divam quoque Virginem Salvatoris nostri parentem ludendo, quae de eadem in Sacris scribuntur literis, vestris meretricibus adaptare & Sanctos denique ipsos vestris exagitare lenociniis non erubuitis! O tempora maledicta, in quibus Reverendissimi Praesules, illustrissimi que Principes hæc fieri patiuntur! O nefasti (ut de vobis duntaxat Obscuris loquar) vestrae nativitatis dies! O mores praeposteris omnigenis obumbratos criminibus! Vos profecto estis, in
quos

quos fines seculorum devenere, vos inquam Antichristi præcursores & dissoluti Judæorum rabulæ. Unius enim Viri Joannis Reuchlin contemplatione neque Deum timetis neque homines. Rectè igitur à Psalmista dictum est, *Exacerbaverunt eloquia Dei & consilium Altissimi irritaverunt.* Et iterum Deus per prophetam. *Locuti sunt adversus me lingua dolosa, & sermonibus odii circumdederunt me, posueruntque adversus me mala pro bonis, & odium pro dilectione mea.* Hinc est quod Sanctissimus Dominus noster Leo Papa X. in persona Christi, tanquam verus Dei Vicarius propriâ motus pietate, suamque respectans ecclesiam, vos filios iniquitatis appellat, & à nullo unquam sacerdote, (exceptâ saltem mortis horâ) absolvendos. Hoc autem verum esse & decretum Apostolicum & Reverendissimi Coloniensis Archiepiscopi transumptum longè latèque transfusa declarant. Itemque non in vos duntaxat Obscuros talis fulminatur sententia; sed in omnes perditissimæ vestræ conjuratio-

nis confcios; in omnes quoque talium librorum impressores, venditores, tectores, reservatores; & in eos etiam qui hisce rebus auditis teterrimos illorum auctores suis non produnt iudiciis, nec tam scurriles libellos intra tres dies comburunt. O sententiam Apostolicam, omni laude & honore dignam! cunctisque Christi fidelibus summopere necessariam! Quam certè qui non patitur, cui rei sacratissimæ neminiq; non fructuosæ ac plane perutili qui resistit, qui oblatrat, qui mordet, qui obluetur, qui non obedit, qui denique impedimento est, aut consiliis, aut favore, aut factis insipienter renitendo, degenerem sese Christicolam, & sacræ fidei contemptorem, luce clarius ostendit. Viderintque sacerdotes, quâ auctoritate contra Sacrosanctæ Sedis Apostolicæ determinationem, non solum obscuros, sed & famosarum Epistolarum lectores, venditores & id genus alios in Brevis Apostolico, (ut supra satis clarè in Lamentationibus Obscurorum explicatur expressos) absolvere au-

audeant. Nemo vestrum plus æquo suæ innitatur prudentiæ. Hinc est quod Chrysostomus ait sermone XII. *Non fidei, sed perfidiæ, non confidentiæ est, nimiam in semetipso habere fiduciam.* Quæ etiam quot præclaros viros, quotque ingenuos adolescentes in causa Reuchlinicâ deceperit, cogitare poterunt pauci, dicere nemo. Verum ut eo, undè divertit, nostra nunc revertatur oratio, Quis, rogo, inferorum, aut quæ tandem cæcitas vos coëgit, ut in secundâ vestrarum Epistolarum editione Florentinos ipsos scientia & virtute florentes, eosque non aliter, quam ob ingenii & naturæ dotes ita appellatos, Sodomitas diceretis, nec Sodomitas solùm verû & nobilissimam eorum civitatem cunctis mundi civitatibus Sodomitis plenior, tot sacerdoti salutes scribendo, quot sint in Florentiâ Sodomitæ. Verum hæc pessumeant. Cætera id genus convitia auribus indigna mortalium hoc loco relinquimus. Nunquid igitur satis vobis fuit, Ecclesiam Dei nequiter læsisse, nisi etiam in moderni

Pontificis Optimi-Maximi, omniumqve literis atqve lingvis celebrandi, dedecus ac contumeliam tam obscœna de Florentinis, vobis effusa legerentur? Nonne Summo Pontifici in scœna & in umbraculis iniquitatum vestrarum parcendum? An ignoratis Sanctissimum Dominum nostrum Leonem Papam X. à Domino DEO (id quod sancta fatetur Ecclesia) veluti omnium virtutum exemplar & archetypum super gentes & regna in terris constitutum, ut evellet, dissipet, & plantet? Faxit itaqve Deus, ut gravioribus vos censuris Sacrosancta Sedes Apostolica condemnet. Subdolè præterea & ingeniosè satis (ut vestram impudentiam latius persequamur) imperialem Majestatem nobis semper venerandam deridetis, quum nullo sit vobis opus Privilegio Venetorum. Cujus etiam mandata à nobis in hunc usque diem semper illæsa, præviis vestris mendaciis, hæresibus quoque & blasphemis, neque Deum timentes neque homines, nimis licenter infregistis, Theologos

gos insuper non modò diversarum Universitatum, verum totius Ecclesiæ numina, aliosque tam virtute quam scientiâ præclaros & specie quodammodo à vobis differentes, vestris dentibus cruentissimè lancinatis & convitiis insequimini nebulonicis: quorum profectò calceamenti corrigiam, vel omnium iudicio, indigni estis solvere. O cæca atque impudens istiusmodi Reuchlinistarum cohors! *Aude aliquid brevibus gyaris & carcere dignum, Si vis esse aliquid. Audaces fortuna juvat*; etsi multa audere (ut Menandro placuit) multa aberrare facit. Quid multis? Ex omni namque genere hominum, quos variis vitiis, ingeniosa & ad malum prona irretit improbitas, nullos neque sceleratiores neque odibiles magis esse reor; nec graviore censurâ animadversioneque plectendos, quàm eos ipsos, qui cum perversæ mentis animique malignantis sint, fingendo tamen id callidè sub fictorum nominum ac cognominum velamento & moliantur & agant, ut synceri pro Christo &

integerrimi homines. omniqve carentes vitio habeantur. Item qvòd indignissimum est, aliorum peccata; qvæ nihil (ut infra dicemus) ad rem faciunt Capnionis, nec vera dignoscuntur, acerbissimè redarguunt, qvibus ipsi præcipuè obnoxii sunt aliorumqve virtutes ac benefacta mali consulunt, suorum penitus scelerum obli- ti. Persvade Tibi, ô Christiane lector (nam persvadere tutò potes) hos Obscu- ros Reuchlinistas nocentissimum esse ge- nus hominum, cunctisqve flagitiis sceleri- busq; coopertum! calamitatè everSIONem- qve Reip. Christianæ qværentes, nec sum- mo Pontifici, Patri verè beatissimo, nec exteris etiam nationibus in pessimis qvi- busqve parcentes. E lingvis profecto & mutus Cicero esse posset in tam lata, tam amplâ ac planè execrabili Obscurorum materiâ. Vitiorum qvidem apud eos re- ferta sunt omnia, qvæ undiqve facto agmi- ne in nos insontes irruunt, nosqve cir- cumstant, premunt, urgent. Animæ au- tem suæ discriminibus miserrimè jactan- tur:

tur : ut difficile sit in portum sese ab his salutatum appellere. Quibus qverar? quos implorem? Nimia me hercule est improborum quorundam (non dico omnium) Reuchlinistarum licentia : tum in Ecclesiæ scandalum, tum in bonorum omnium confusionem, veluti ex eqvo Trojano cattervatim redundantium Summi, infimi, mediocres prolabuntur. Et Plinio teste. *Multi famam (etsi umbratilem ac vanam) pauci conscientiam verentur.* Quæ tamen (ut Augustinus nobis scriptum reliquit) est mille testes. Verum enim vero ut vos appellem, citra vestram atque aliorum indignationem; Quid obsecro vobis profunt convitiâ mendacia? quid contumeliæ? quid cavillationes? quid ludibria? quid stultæ in cœlum irrisiones? quid impiæ tandem hæreses? Nonne scriptum legimus, confundantur omnes facientes vana? At mihi quis objecerit: Facetiarum gratiâ obscuri talia locuti sunt: Eho, inquam, vir bone, Nunquid irridetur Deus? aut istiusmodi convitiis Capnion ipse

suis exsolvitur erroribus ? Bedam audite
 venerabilem : *Omnis, inquit, amaritudo &
 ira, & indignatio & clamor & blasphemia, &
 mala contentio, Spiritus immundi furor est.*
 Ineptiis certè vestris & mendacii non fe-
 rendorum exprobratione Capnionem
 vestrum (modo conscientiam intueami-
 ni) defendere non potestis. Plus illi de-
 decoris plus scandali, plus turpitudinis,
 plus infamiae, quam laudis aut gloriae pe-
 peristis. Honorare (opinor) voluistis vi-
 rum bonum : at illum spe vestra falsi plus
 æquo inhonorastis, nullam fortasse grati-
 am ab eodem recepturi. Nec induci pos-
 sum ut credam, talem illum tantumque
 poetam vos ad tam insigne tamque infamè
 scribendi facinus concitasse, nisi id-
 ipsum obesse videatur, quod in suis ad nos
 Epistolis talia nobis futura prædixerit.
 Ego tamen neque Obscuros vos appello,
 neque Reuchlinistas : verum hæc nomina
 (sive bona illa sint sive mala.) vobis ipsis
 non indecenter imposuistis. Nomina
 hercle vestra (quantum videre videor)
 nomi-

nominibus quadrant. Ille Fumulus appellatur, vos Obscuri: & verè Obscuri. Nam tenebræ omnium vestræ (ut cum gratiâ & honore Capnionis non vestro loquar) totum penè terrarum orbem, infinitis tum erroribus tum mendaciis obumbrarunt. Dicit igitur Propheta: *Vultus Domini super facientes mala, ut perdat de terrena memoriâ eorum.*

Ad convitia vestrarum Epistolarum revertor, Patres conscripti, & ad falsas ac planè commentitias in optimos quosque vitiorum exprobrationes: quæ ad vestri Capnionis defensionem prorsus faciunt nihil, nec in oculis sapientum integros lædunt viros, sed universali (proh dolor!) Ecclesiæ indelebilem inurunt maculam. Quatinam taliâ priscis Sanctorum Patrum scripta fuissent temporibus! Non dubium, quin vel manus vobis præcisæ, vel lingua confestim eruta, vel guttur Laqueo clausum fuisset: Sola vos impunitas degeneres ac malignos facit, quæ, teste Bernardo *est incuria soboles, insolentia mater*

radix impuditiæ, & omnium transgressionum nutritrix. At excitabit procul dubio corda Principum misericors & omnipotens DEUS, ut rebus omnibus ultrò citroque perspectis, ac ritè cognitis, justitiæ munus (quod semper optavimus) quam primum exequantur. Nihil est enim tam absurdum, nihil tam abominabile, nihil tam impium, nihil tam ingratum DEO, quod vestræ (& id quidem citra omnem occasionem) non effundant Epistolæ. Nescitis temeritatem consilii defectum esse & imprudentiæ speciem? Secundum Beatum Thomam Sec. Sec. Q. XXXV. ar. XXV. c. fi. *Illæ enim temeritate fiunt, quæ ratione non geruntur, & ideo superbia est filia*, ut ibidem probatur Q. LII. ar. III. Quare obsecro, (o! vos degeneres poetæ & filii iniquitatis) tam impiè abutimini gratiâ vobis à Deo datâ? Quid Christo illuditis & ejus Matri? Quid tunicam Domini? Quid reverendam Petri imaginem? Quid Sacramenta Ecclesiæ? Quid sacratissimas Sedis Apostolicæ indulgentias

tias deridētis? Qvā potissimum ob causam, nominibus vestris silentio præteritis, aliena vobis nomina & nunqvā audita excogitastis? Nonne hi sunt historionum ac sycophantarum mores? Sunt profecto & nebulonum vafriiciis longè deteriores. Qvare (inqvā) doctissimos & sapientissimos Ecclesiæ Doctores prosequimini? Qvare talpati oculatos contemnitis? Qvare iniquitatem fovetis? Qvare iniustitiæ & malitiæ patrociniāmini? An Cāpnionem hisce vestris lenociniis in causā fidei defendendum suscepistis? O stulti & insensati! *Audite* (clamat Esaïas) *verbum Domini Principes Sodomorum, auribus percipite legem Dei vestri, populus Gomorra. Filios* (inqvit) *enutrivī & exaltavi, ipsi autem spreverunt me.* Væ etiam vobis falsariis, qvi nostra Epitaphia & laudabilem aliorum doctrinā pervertentes, illorum loco rhythmos ponitis impurissimos, commissoqve per vos crimine falsi, neqvā editis prognostica, mihi illa in fonti & immerito ad multorum Principum, Civitatum O-

ptimorumque virorum offensionem ac sacræ Astronomiæ irrisiōnem, non inveniēte adscribentes. Commissio (inquam) per vos crimine falsi (id quod secundum leges sacratissimas semper pœnam capitis importat) famosissimos editis libellos, Sacrosanctæ sedis Apostolicæ, Cæsareæque Majestatis auctoritatem absque omni conscientie scrupulo, utrobique infringentes. Propterea idem Propheta exclamat : *Va genti peccatrici, populo gravi iniquitate, semini nequam, filiis sceleratis!* O quanto temporum intervallo Divus Esaias hæc futura prævidit! *Dereliquerunt (inquit) Dominum, blasphemaverunt Sanctum Israel, abalienati sunt retrorsum.* Si res vestras mentis oculo intueri volueritis, argentum certè vestrum mutatum est in scoriam, & vinum non (ut ille ait) aqua mixtum, sed in foetidissimam maledicendi, mentiendi, & blasphemandi sentinam commutatum. Ridetis scio, nec mirum. Scriptum est enim, *Latantur cum malefecerint & exultant, in rebus pessimis.* Et Pythagorâ teste, *sues libentius*

tius in cœno quàm in fonte versantur. Ride-
tis inquam, at risus profectò vester in lu-
ctum commutabitur & nisi subitanè a mor-
te (quod Deus avertat) præoccupari fue-
ritis, illam procul dubio vivetis horam, in
qua serà ductà poenitudine, vestræ vos in-
qvitatatis poenitebit. Est enim in ore om-
nium, *Serò sapiunt Phryges.* Nobis profe-
cto (à quibus nunquam offensi estis) indi-
gnè & immeritò illuditis : at Deus ipse
non irridetur. Dicit itaque cum Prophe-
ta, *Gens absque consilio, utinam saperent & in-
telligerent, ac novissima præviderent!* Hæc
profectò nemini nostrum legitimè possunt
objici, quum similia ediderimus nun-
quam. Eò nunc calamitatis (heu nos infel-
lices!) est processum in Ecclesia Dei, ut ora
ferè omniū (proh pudor! nefas est dicere)
Ethnicorum magis quam Christianorum
sententiis abundant. Pluris Poëtas faci-
tis, quàm Sacros Ecclesiæ Doctores, & in
solâ verborum pompâ omnem vestræ be-
atitudinis gloriam collocatis. Hinc in
publicis tum declamationibus, tum Orati-
oni-

onibus, nomen Jesu Christi invocare ridiculum vobis esse videtur. Hinc Evangelia in reprobum exponitis sensum, & omnium vultus, tum animi depositâ gravitate, irrefragabilem Sacrarum Literarum auctoritatem obumbratis. *Væ itaq; vobis* (Esaïas ait) *qui dicitis malum bonum, & bonum malum; ponentes tenebras lucem, & lucem tenebras; ponentes amarum in dulce, & dulce in amarum; trahentes iniquitatem in funiculis vanitatis vestrae. Væ qui sapientes estis in oculis vestris, & aoram vobismetipsis prudentes. Qvis vobis fidei causam commisit? Qvis verbo vos offendit? Nemo herclè, nemo. Nostri: certè Theologis Hæresium extirpandarum munus à SIXTO PAPA IV. (ut in vestris supra Lamentationibus patet) peculiariter est commissum. Irascimini ergo & nolite peccare. Scabant muli mulos, & sanguinem innocentum non eliciant. His moribus, his convitiis, his certè mendaciis & contumeliis Capnion ipse amicos sibi habere non potest, videtur inimicos velle.*

Irrisiones præterea vestrae nihil ad
Reuch-

Reuchlinicam faciunt contentionem. Si vobis aut aliis qui nobis adversantur, peccata exprobrare & falsissima quæque offundere vellemus, non deesset nobis fortasse scribendi materia : sed hoc histrionum est & muliercularum, non bonorum neque sapientum. Propterea Doctissimus ille Erasmus Roterodamus Theologorum disertissimus & non vulgari dignus honore vos obscuros Reuchlinistas tanquam pestem quandam detestatur, doletque ac planè ingemiscit, sese in vestris Epistolis à vobis esse commendatum. Ecquid mirum? Laudes enim obscurorum sordes sunt, non præconia; nec est sub orbe lunari tam perversæ mentis homo, qui vel merita laudis, aut vitæ innocenter actæ testem ab obscuris petat. Est & alius Ecclesiæ Prælati Chaldaicæ apud nos literaturæ peritus, qui licet Capnioni bene velit, severissimis tamen vos insequitur carminibus: Itemque Richardus ipse, cognomento Sbrulius, poëta & Orator non vulgaris, in suâ Chrysochari Trebericâ ad pientissimum

mum Trevirorum Præfulem, sapientem. Ti-
 me vos & redarguit & castigat. Malumus
 igitur à vobis abjectæ fortis hominibus vi-
 tuperari quam laudari. Nam teste Aulo
 Gellio lib. VI. Noct. Att. *Qui maledicit &
 vituperat, fidem non capit.* Itemque nec val-
 de gaudere debemus, (ut Augustino placuit
 ad Volusianum) quando vituperamur.
 Quia nec depravare injuria, nec coronare
 potest laus aliena. Hinc Seneca de reme-
 diis fortuitorum nos optimè consolatur:
*Malè (inquit) de Te opinantur homines, sed
 mali. Moverer, si de me Marius, si Lælius sa-
 piens, si alter Cato. si Scipiones duo.* Et mox
 adjicit: *Moverer, si hoc judicio facerent, quod
 nunc morbo faciunt.* Quod autem vos (ut
 ad alia progrediamur) movere posset aut
 dictum aut factum, quos non puduerit, pa-
 lam cunctis legentibus, omnium ferè cri-
 minum sordem (stupratorum præsertim &
 Sodomiarum) de vobis ipsis confiteri. Nolite
 itaque in vestris ad me Epistolis parentum
 mihi meorum conditionem aut statum
 exprobrare. Patre natus sum Frederico
 de

de Graes in Diœcesi Monasteriensi, prope Cosfeldiam habitante & adhuc superstitē, cum sororibus meis & amicis: id quod non summis modò in Coloniâ viris, verùm & Clarissimo Illustrissimoque Principi, ac Reverendissimo Ecclesiæ Monasteriensis Pontifici Erico, satis superque constat, veluti liber de Westphaliæ laudibus, eidem à nobis ante aliquot annos reverenter nuncupato, longè copiosius continetur. Me autem Daventriensem cognominatum, nemo prorsus admiretur. Fui enim in tenerâ primum ætate (& id quidem matre meâ Gertrude citra inhonestatem defuncta) Daventriam à Patre ad Fratrem missus, ubi majores nostri, & patricii semper & Senatores fuere, ut sub Alexandro Hegio illic tunc Gymnasiarcha, Græcè quidem ac Latinè erudito, bonas literas puer non ignorarem. Quapropter in Westphalorum laudem tale ad memoratum Principem cecinimus Tetraſtichon:

*Westphalus in cunctis sollers, atq; ore modestus
Vividus ingenio, religionē sacer.*

Nobilis officio, nulli præbitate secundus

Illustrans orbem, conjuge, prole, domo.

Hæc obiter dicta sunt, quæ etiam si omiſſa forent, Capnioni tamen prodeſſent nihil. Induantur itaque, qui detrahunt mihi, pudore; & induantur ſicut diploide confuſione ſua. *Confitebor Domino nimis in ore meo, & in medio multorum laudabo eum, Qui adſtitit à dextris pauperis, ut ſalvum faceret à perſequentibus animam meam.* Aliud eſt enim de hæreſi, aliud de vitiis humanis contendere. Aliud quoque blaſphemare Deum aliud hominibus (etſi immerito) illudere. Non patiuntur Theologi, Salvatoris noſtri humanitatem habitui comparari meretricio, ipſumque ut ſimplicem hominem & ſervum, non ut DEUM à Judæis inter emptum. Itemque non poſſe ſatis ex Novo probari Teſtamento Chriſtum Salvatorem noſtrum (ut in Georgii dialogo habetur) verum fuiſſe DEUM. Hæc & alia id genus multa, longeque deteriora, boni ne an mali conſulenda ſint, ſacraſſimis Theologiæ Doctõribus,

non.

non obscuris halophantis discutiendum relinquo. Quapropter Apologiam nuper edidit reverendus Hæreticæ pravitatis Inquisitor, omni dignus honore frater Jacobus Hoechstraten, in quâ luce clarius patescit, quàm sanctè nobiscum & quam piè citraque omnem (ni fallar) malitiam in Ecclesiâ DEÏ vester Capnion ambula- verit. Quantam autem mihi fecerit in- juriam, me Christi Sacerdotem licet im- meritum, & philodæmonem in falsâ suâ defensione & hæresiarcham appellando, pauci ignorant. Plenus (ut opinor) furi- arum & rectæ rationis oblitus, me talem esse vulpinatus est, nullâ penitus aliam ra- tionem habens, quàm quod hoc Genitivo Jovis, in bonam (vel ipsius maximè exem- plo) usus fuerim significationem. O ma- gnum Theologum! O poetam insignem! Qvis hoc non videbit cavillum? quis non potius improbet ac planè detestetur? Cæ- terum hæc ridicula Capnionis subtilitas, in præfatâ Inquisitoris Apologiâ, satis su- perquè retunditur, & in *Boccatio* lib. 2. de
Ge-

Genealogiâ Deorum: itemqve in Augu-
stino lib. II. de civit. DEI c. XIII. & Confess.
lib. I. de Poëtis multisqve aliis in locis quæ
hic, ne Capnionem nostrum lethaliter of-
fendant, libenter omittimus. Atqvi, ne
quod primum puto, hic silentio prætere-
am. Neqve Capnionem vestrum, neqve
Reuchlinistas omnes, neqve vestrorum
quemquam Poëtarum, nostris hisce literis
offendi indifferenter volumus. Ut enim
duplices sunt Reuchlinistæ; ita nec ejus-
dem ingenii Poëtæ omnes. Alii enim
boni sunt, alii mali, nec mali quidem in
oculis meis, ne Sedes ipsa Apostolica, ac
boni deniqve omnes, tam obscuros, tam-
qve degeneres Poëtas, & leve hominum
genus & filios iniquitatis appellarent. Ha-
bet profectò Joannes Reuchlin (ut de bo-
nis loquar, viros nobiles, doctos, eruditos,
& eloquentes, sui amantissimos, quorum
etiam nonnulli, aperto Marte (id quod de-
testari non possumus) in pugnam congre-
diuntur. Habet præterea ingenuos pro
se Adolescentes & studiosos aliquot bona-
rum

rum artium (ut audio) professores , quos
certè (modò justitiæ & veritati adhære-
scant) unicè omnes & colimus & venera-
mur. Tum quòd de his magna Christo
spes sit & laudis & gloriæ : Tum quòd ge-
nerosus animus, & honestis imbutus disci-
plinis Christi sponsam , hæreticis fœdari
pravitatibus, non patiatur. De his certè
viris bonis optimisque adolescentibus lo-
quimur nihil. Nam si falsissimis (ut cum
gratia loquar) Reuchlini defensionibus,
seu potius offensionibus abjectis verissima
Theologorum scripta, & maximè, quæ in-
tra dies octo, per reverendum Inquisito-
rem hoc año sunt edita; non solum legere,
verùm justâ laude, & ad ungvem (ut dici-
tur) citra cœci favoris dissimulationem
examinare dignarentur, suo (ut opinor)
Capnione deserto, nobis procul dubio ad-
hærerent.

Obscuros igitur solum Reuchlinistas
Evangelicæ charitatis transgressores, po-
lylogos quoque & naturâ minimè cicu-
res , non absque nostri moderatione inse-
cta-

ctamur, dignos profectò quos sapiens Poëtarum chorus, nobilissimorumque virorum confessus velut degeneres, ac perditissimum genus hominum perpetuò detestetur. Qui dum manifestâ phrenesi ac furiis (nescio quibus) una cum suo Capnione correpti, almæ atque laudabilis nostræ Universitatis Doctores infamare conantur, cimmeriis involuti tenebris, omni que morum depositâ gravitate, nequissimos sese (modo veritas ipsa locum habere poterit) halophantas ac nebulones ostendunt. Quippe quod nec periculosius alicubi erratur, nec pejus aliquid inquiritur, nec quid impium magis inveniri potest, quàm ubi Christo ac Sanctis ejus illudatur, & Ecclesiæ Doctores contemnuntur. Quapropter Sanctus Paulus ad Corinthios primæ Cap. ii. *Animalis* (inquit) *homo non percipit ea, quæ sunt Spiritus Dei.*

Cæterum quum ad vestrum scelus ac nequitiam parum aut nihil (ut Sacro-Sancta Sedes Apostolica testatur) addi possit, vos detestentur omnes necesse est. Satis enim

enim experrecti sumus intuendâ Ecclesiæ
bonarumque artium republ. licet cruen-
tissimos vestræ temeritatis ac stultitiæ
dentes evitare non possimus; Audacia
tamen vestra non vincet studia nostra;
Gymnasium certè hoc est, Sacræ Theolo-
giæ & bonis artibus admodum accom-
modatum. Hic sacrorum Canonum,
jurisque Civilis majestas. Hic Hippo-
crates, Æsculapius & Galenûs scholas
habent. Sunt quoque apud nos egregia
scholasticorum conventicula, sunt doctis-
simorum virorum Chori, sunt diversarum
lingvarum disertissimi interpretes, in qui-
bus mira scientiarum varietas & immensa
doctrinarum viget fœcunditas. Hic Du-
cum Comitumque illustrissimorum non
vulgaris eruditio: Hic profundissimi Sa-
cræ & Theologicæ veritatis Professores.
Hic clarissimi utriusque Juris Interpretes.
Hic salutaris Medicinæ Doctores exper-
tissimi. Hic acutissimi liberalium (quas
vocant) artium Magistri. Adsunt & alii
in omnibus ferè disciplinis eminentissimi,

penes quos nihil simulatum, nihil fictum, nihil leve, nihil non admirandum. Tantâ fulgent hi omnes constantiâ & virtute, ut eorum tacita gravitas & fides de unoquoque loquatur, neque cujusdam ornamenta orationis expectet. Omnes maximi animi, summi consilii, singularisque prudentiæ viri: ita etiam, ut SIXTUS Papa IV. nostræ Universitatis gloriam solidissimamq; omnium integritatem animadvertens, nostris præcipuè Doctoribus, omnem Hæreseos per Alemanniam iniquitatem extirpandam demandarit: Hoc autem ita esse supra in Lamentationibus patet. Quare felix admodum ipsa Colonia est, cum tales habeat viros, quales majores nostri priscis temporibus summa veneratione prosecuti fuissent. Nolunt itaq; Obscuris Reuchlinistis subesse, qui magnis etiam viris præesse consueverunt. Nolunt vinci, qui victrices fidei aquilas manu premunt. Troës sunt: Omnia sine Theseo operantur & suum tandem Romani Hannibalem habent.

Nunc

Nunc autem (si ita libet) reverendos nostræ Universitatis Theologos intueamur. Sapientissimi quippe Viri sunt, nec in aliquo taxandi. Nam pro Christo Jesu duntaxat & Catholicâ fide, ab Hæreticis, (proh dolor!) jam diu satis impugnata; contraque Joannem Reuchlin ejusque intolerabiles (ut ajunt) errores, nimium (proh pudor!) nimiumque (ut dixi) Ecclesiæ Dei, bonorumque omnium, & quatuor imprimis Clarissimarum Universitatum sentimento repugnantes, velut invicti, & Ecclesiæ totius & Apostolicæ tandem Sedis athletæ ad sanguinem usque decertant. Non equidem vi aliquâ, non dolo, non invidiâ, non malignâ intentione, non malo corde, non sinistra quavis circumventionem (ita nos Deus âdjuvet & omnes sancti ejus!) sed nimiam patientiâ nimiamque sui moderatione, consilio etiam & auctoritate, ac sapientiâ potissimum duce cuncta prosequentes. Hoc autem qui credere recusarit, Theologorum perlustret libros & me, dicto citius, verum dixisse pro-

clamabit, nec alterâ (ut dici solet) parte in-
auditâ, stultam proferat sententiam; vel
ob hoc solum, quòd Centum Ecclesiæ Do-
ctoribus, longè magis quàm uni viro, in
secularibus duntaxat libris erudito, aut ab-
jectæ fortis hominibus (quos Obscuros
appellitant) sit credendum: Nec est in-
quam quod sacratissimam Prædicatorii or-
dinis Religionem citra injuriam ac perdi-
tionem animarum vestrarum contemne-
re valeatis. Utinam vobis sive viventi-
bus sive morientibus tum matutinæ illo-
rum, tum vespertinæ, tum nocturnæ etiam
preces, & hæc quidem ab omni labe omniq;
vitiis contagione immunes suffragari
vel in minimo possent. Longè profectò
melius longeque salubrius (si verum fate-
ri licet) res vestræ sese haberent.

Ullulate igitur in tenebris, vos Obscuri
& degeneres Reuchlinistæ, quia prope est
dies Domini & vastitas à Domino veni-
et. *Adhuc enim paululum modicumque &*
consummabitur indignatio mea & furor meus,
dicit dominus omnipotens. *Lavamini,*
mundi

mundi estote, auferte malum cogitationum vestrarum. Quiescite perverse agere. Discite bene facere, ne retributio manuum vestrarum fiat vobis. Abjicite opera tenebrarum, induimini arma lucis, ut in die honeste ambulare possitis. Non est enim putandum omnia vobis licere, nisi & recta & justa & aperta sint, ut rex Antigonus cuidam respondisse fertur: Barbarorum regibus omnia licere, nobis duntaxat, qui justa & honesta videntur.

Accendamus ergo lumen nostræ mentis & in nostri muneris erga Deum admiratione omnia prudenter matureque agamus. Nemo vestrum (Apostolo teste) gratiam Dei in vacuum recipiat. Ecce nunc tempus acceptabile, ecce nunc dies salutis, nemini dantes illam offensionem, ut non vituperetur ministerium nostrum. Exhibeamus nosmetipsos in omnibus sicut Dei ministros in sinceritate, in Spiritu sancto, in charitate non fictâ, in verbo veritatis, in virtute Dei. Non enim vel ad ludum à naturâ, vel ad jocum geniti sumus

mus; sed ad studia quædam majora atque graviora, quæ in humilitate & mansuetudine spiritus non obscure continentur. Si uno duntaxat epigrammate Capnionem nostrum offendimus, non plus ego, quam reliqui diversarum Universitatum Doctores offenderunt; Nam ut supra diximus, aliud est de hæresi sanctè & justè; aliud de vitiis humanis (quæ nihil ad rem faciunt, & falso à vobis excogitata sunt) plus æquo contendere. *Quærite Dominum dum inveniri potest, invocate eum, dum prope est. Derelinquat impius viam suam & vir iniquus cogitationes suas, & revertatur ad Dominum, & miserebitur ejus, & ad Deum nostrum, quoniam multus est ad ignoscendum. Hæc Esaias.*

Rogamus itaque vos & obsecramus in Domino Jesu, qui nos redemit pretioso suo sanguine, nec quicquam contumeliarum à vobis est meritis, ut quemadmodum accepistis à Sancto Paulo Gentium Doctore, quomodo vos oporteat ambulare & placere Deo, sic & ambuletis. *Est enim*

enim voluntas Dei sanctificatio vestra, ut sciat unusquisque vestrum suum vas possidere in sanctificatione & honore: Non autem in passione desiderii, sicut & gentes, quæ ignorant Deum. Rationem certè Paulus adjicit non vulgarem, vocavit nos (inquit) Deus non in immunditiam (quâ vos supra quàm cuiquam credibile est, delibuti estis) sed in sanctificationem, quâ non modò nostri, verum & aliarum Universitatum Doctores omnium primi, & vivæ virtutum imagines, contra manifestam multorum falsitatem Christo duce intrepidè constanterque militantes ita inuncti sunt, ut neque Capnionis vestri (quæ nullæ sunt) neque vestras (quæ minoris habentur) contumelias, in aliquo pertimescant.

Et ne illud præteream. Non est per Deum immortalem invidiæ causa, quam agimus, ut vos falsò & insipienter in præposterâ Capnionis vestri defensione vulpinamini, sed fidei duntaxat sacrae, quam pravis contaminare erroribus non Christiani est hominis, sed dissoluti potius &

impuri. Itemque nemo nostrum Joannem Reuchlin, virum Catholicum & insignem Poetam, hæreticum esse dixit, ut complures vestrum mentiti sunt: ac scripta ejus (citra tamen viri contumeliam, ut in sententiâ ab alio quodam inquisitore Coloniae pro tribunali latâ ac deinde impressâ luce clarius patet) hæresin sapere declararunt.

Quod autem causâ utrimque nostra non sit invidiæ sed fidei, vel ex solo probari potest, quod ante publicam ocularis Speculi Editionem nulla nobis unquam fuerit cum Phorcensi Capnione contentio. Quid igitur iniquius est (Id dicit Leo Papa) & habetur xxiv. quæstion. iiii. Quid autem) quam iniqua sapere? Et continuò de obscuris; in hanc (inquit) insipientiam cadunt, qui cunque ad cognoscendam veritatem, aliquo impediuntur obscuro & non ad propheticas voces, Apostolicas literas, Evangelicas auctoritates sed ad semetipsos recurrunt. Et ideò Magistri erroris existunt, qui
ver-

veritatis discipuli non fuerunt. Hæc ibi.

Hanc ob rem legite obsecro eodem diligentia ac pietatis oculo Theologorum scripta, quæ Reuchlinica legere consuevistis, ne rerum omnium ultro citroque actarum rudes, contumeliosam Christo bonisque omnibusque scandalosam proferatis sententiam. Quippe non omnis ignorans immunis est à poena: Ille enim ignorans potest excusari à poenâ, qui (ut Augustinus vult in libro questionum & habetur XXXVII cap ult.) quod disceret, non invenit. Illis autem ignosci non poterit, qui à quo discerent habentes, operam non dederunt. Hæc omnia divus ille Cyprianus, per verba Pauli Apostoli (quæ habentur dist: VIII. Consuetudo) pulcherri-
mè subscribit. Et Aristot. quoque lib. II. Rhetor. Turpe putat ignorare quod omnibus scire conveniat.

Hinc est quod Hieronymus habet in Originali super Amos, & maximè contra eos, qui affectato excoecati favore veritatem audire contemnunt. Quicunque

(ait) vel consanguinitate, vel amicitia, vel è conuerso hostili odio, vel inimicitis iudicando ducitur, pervertit iudicium Dei Christi, qui est iustitia. Postremò autem si in fermento malitiæ & nequitiae, hoc est, vestra malitia (quæ secundum Ambrosium in Hexameron) est mentis atque animi depravatio, quæque fallax est nocendi ratio, ut magnus ille Cicero libro 3. de naturâ Deorum testatur impudenter (quod absit), perseverare volueritis, animam profecto vestram occidendo unâ cum rege vestro (quemadmodum Regum primo, cap. XXII. & Sapient. Cap. XVI. prisci nobis scriptum reliquere,) ætutû peribitis, vosque serò resipuisse Phrygum more lamentabimini. Nam qui *iustificat impium* (ut habetur Proverb. XVII) & *justum condemnat* *uterque abominabilis est apud Deum.* Itemque si videntes videre, si audientes audire, si intelligentes intelligere, & profanis denique auctoribus Sacros Ecclesiæ Doctores antepondere nolueritis maledicti eritis, ut habetur XI. Q. III.) apud Deum & ho-

mines,

mines, & increpatione tandem severissimâ corripiemini. Eritq; Deus iudex inter vos & nos in extremo iudicii die. Qui licet gradu lento (ut est apud Valerium Maximum l. i. de neglectâ religione) ad vindictam sui procedat; supplicii tamen dilationem intolerabili quadam gravitate compensabit.

Si autem vel Capnion ipse, vel nos Obscuri & Theologis nostris, & mihi denique Ortuvino indignari abs re volueritis, memores Apostolorum erimus, qui ibant gaudentes à conspectu Concilii, quoniam digni erant pro Jesu Christo contumeliâ pati. Nos igitur, ut libet, persequimini, & mendaciorum describe atramento, vestri tamen erit tum officii, tum humanitatis non ignorare, vos unâ omnes tam scribendo quàm offendendo primos semper fuisse. Nec est quod mihi quis de Manuali Speculo Joannis Pepericorni Neophyti (hominis profectò Christiani & viri boni) quicquam objiciat, quum anno Domini M. ccccc. xi. Coloniâ annum ab-

sens, in superiore illud Alemanniâ nobis ignorantibus composuerit. Sitque Moguntia (ut ipsemet Capnion in suâ defensione, folio. III. facie secundâ lucidissimè profitetur) per Chalcographum illic habitantem nundinis Aprilibus impressum. Naturali itaq; jure tanquam firmissimis quibusdam anchoris, & intolerabilibus sæpe numero lacerati injuriis, non indecenter pro nostrâ parvitate citra cujuscunque indignationem respondimus, vocamusque Deum in testem & omnes sanctos nostræ conscientia, nec Deum modò & Sanctos ejus, verum & optimos quosque Christi Dei amatores qui nos piam justamque habuisse causam perpetuò testabuntur.

Modò autem si quis scire voluerit, quam potissimum ob causam Capnioni non adhærescam, quum tamen politiores literas in almâ Universitate Colonienfi compluribus annis professus sim; Respondeo me non Capnioni sed præceptoribus meis, fidei ac sinceritatis juramentum præstitisse.

Ego

Ego datam servabo fidem, neque hinc mihi quicquam turpitudinis accrescit, etiam si me tota deglubat Obscurorum cohors. Cæteri quid agant contueantur.

Quid multis? Cessate obsecrò (ô vos Obscuri!, viros bonos petulantissimâ confectari lingvâ. Cessate morbo procacitatis vestro uti. Nolite unumquemque moribus vestris æstimare. Desinite Capnionem (virum alioqui doctum & præstantem) vestris contumeliis obumbrare. Deponite fastum, superbiam, temeritatem, arrogantiam, & reliquas animæ pestes. Immundicia, turpitudine, stultiloquium, scurrilitas haud nominetur in vobis. Nemo vos vel commentitiis defensionibus vel inani- bus seducat verbis, propter quæ (ut Paulo placet Apostolo,) ira Dei in filios venit diffidentia, quorû participes esse non debetis. Audivi vos Palinodiam in Lamentationibus vestris à nobis jam pridem editis atque confectis decantasse, & benè quidem. Eratis enim tenebræ (idem ad Philippenses ait) nunc autem lux in Domino. Ut filii lu-

cis ambulate, cujus fructus est in omni bonitate, justitiâ & veritate. Valete in Christo Jesu Domino nostro. Coloniae ex felici nostrâ Academiâ, Anno M. ccccc. xv h. sexto Idus Martias.

Sapphicum ejusdem Ortyvini hunc
suum libellum contra Obscuros allo-
quentis.

Mordeat te livor edax libelle

Et theonino lacerere morsu

Qui levi venis pretio, laresque

Lingvis amicos.

In soleus recti fugiat decorem

Capniomastix, nihil hinc revellat

Exul hic mentis, vel iners Minervæ

Sibila musset.

Exspuat quamvis rabidum furorem,

Ora distorquens sceleratus erro,

Et lacer sevo jaculetur ausu,

Fulmen inerime.

Tē tamen nullum facinus libelle

Territet, quod tu vereare missis

Sedibus nostris: tua summus optat

Dona Sacerdos.

*Barbarum parvi facies popellum
Et gregem hircosum, lacerasque turbas,
Quæ viros nunquam pietate claros
Laudibus ornant.*

*Hos rudes turpis docuit Celeno,
Putrido ventris taminare fluxu,
Omne quod Christi titulos decusque
Nobile servat.*

*Quo sacra tandem Sophia Magistris
Te pium præstes, & Apostolorum
Gratiam sumas, venerare summi
Numen Olympi.*

*Cui velim dicas, tuus hac decenter
Gratius scribens, petit ut beatam
Nestoris vitam, Phrygii que degat
Secula Vatis.*

**Sequitur Epiodium, quod auctore
eodem Coloniae in Ecclesiâ Prædicato-
rum, ad Gerhardi Zutphanienſis Theo-
logi, viriq; (dum vixit) clarissimi sepul-
chrum dependens in epistolis Obscuro-
rum Reuchlinistarum nequiter est im-
mutatum :**

*Hoc quicumque vides saxum subsiste viator,
Et subito largis fletibus ora fluant. (Ur.*

Urbis Agrippina casum, lamentaque noscat

Orbis; & insurgant postera secla queri.

Occidit ante diem fati crudelibus ausis

Doctor, in hac quondam maxime urbe Sophos.

Reliquias summi brevis hac capit urna Ma-
gistri

Cujus ad interitum sacra Minerva gemit.

Gerhardo huic nomen, & huc Zutphania misit.

Dives opum patria, sicque Sycamber erat.

Huic simul ingenium fervens, sublime, profun-

Majus Ulyssao Dadalioque fuit. (dum;

Ignæ vis etiam, pleno cui Copia cornu

Optima de multis, vel magis cuncta dedit.

Aurea cœlesti tulit hinc propagine mala,

Non ager hesperidum, quæ nec hymetus ha-
bet.

Cespice de vivo violas, mentamque crocumque

Legit, & aureolis, lilia mista rosis.

Dulcissimoque satur divini nectare roris,

Theologos inter lumen honorque fuit.

Multiplices rerum formas, abstrusaque novit

Conditæ natura, cœlicolisque Deis.

Consultos inter Juris legumque Peritos,

Cordatum pessit doctiloquumque virum.

Pro

Pro Christi grege sollicitus, vigilantior Argo;

Et Capitoline maximus ædis honos.

Libera mens rectique tenax, & nescia falsi,

Virtutum cunctas accumulavit opes.

Hic igitur notus, croceo quo Phæbus ab ortu

Surgit, & occiduas pronus ubi intrat aquas.

Hujus & (ut dignū est) manet, eternūq; manebit

Gloria, victuro perpetuata die. (flexo

Non tamen hinc abeat quisquam, quin poplite

Pro Doctore pias fundat ad astra preces.

In perfidos Judæos Epigram-
ma ejusdem.

Impia Gens hominum, gens ferrea, gens male
sperans

Tendit ad Obscuros, tartara nigra lacus.

Omnia vincuntur manibus, sic marmora ferro,

Saxaque de facili sæpè cavantur aquâ.

Sanguine mollescit adamas, glacialia Phæbo

Frigoria, & à Phæbo solvitur omne gelu.

Monstra quot Alcides domuit? quot carmine
manes

Thraïcius Orpheus movit? & ore feras?

Saxa quot Amphion? quot Methymneus Arion

Delphines? Thamisias quot miser ipse Deas?

Nullo.

Nullo hæc mutari poterit gens improba verbo,
 Improba quæ verè est, trux scelerata rapax:
 Lucifuga, inconstans, nullo mutabilis ævo,
 Deucalionæa vix renovanda manu.
 Hæc nive frigidior, vel saxo durior omni,
 Nec minus Hyrcanæ tygride sava latet.
 Hoc scelus indignum gelido sub corde voletat,
 Et crudelis alit pectora cæca furor.

Aliud in Judæos.

Crescit honor Christi, gaudent pia numina cælo,
 Et Jovis ætherei gaudia mater habet.
 Exultant superi, cælum letatur & omnis
 Angelicus decimo gaudet in orbe chorus.
 Gaudia mortales agitant, nova gaudia mundus.
 Suscipit, & leto scandit ad astra gradu.
 Nam Solymi, genus infelix, semenq; nefandum,
 Turpia nunc tepidis fletibus ora rigant.
 Post lachrymas fundit gelido de pectore questus,
 Et furor immitis languida corda fovet.
 Plumbeus in vultu color est, sunt lumina cæca;
 Aggravat ingratus segnia membra dolor.
 Quid mirum? cecidere omnes, victiq; repugnant
 Artibus incultis fœminæaque manu.
 Non Latio, non hostili, non denique nostro
 Sed recutita suo cœcidit ense cohors.

Hoc

*Hoc opus à multis agitur, qui testa malorum,
Sacrilegumque simul deservere genus.*

Errores Obscurorum Virorum qui
se Reuchlinistas esse gloriantur.

IN primâ Epistolâ primi operis & primæ
editionis & in aliis aliquot subsequenti-
bus, Ecclesiæ Doctores perfidis compa-
rant Judæis: In Spiritum Sanctum, in be-
atum Petrum, in modernum Pontificem,
in ejus censuras Ecclesiasticas, in Reve-
rendissimos Cardinales, in Auditores Ro-
tæ, in Divum Hieronymum, quod scil. non
sit de stylo Evangelii, & in Indulgentias A-
postolicas turpissima ac mendacissima
quæque expuerunt.

In xii. Epistola primi operis blasphemant in Spiritum Sanctum, & hoc in materia luxuriæ. Abutuntur deinde Sacris literis, & quæ Ecclesia attribuit Beatæ Virgini, ipsi suis adeptant meretricibus. Scribunt quoque, turpem amorem esse charitatem, concludentes Deum amorem esse luxuriosum. Taceo sexcenta mendacia in bonos viros effusa, quæ hoc loco enumerari non possunt. Glo-

Gloriantur etiam se crucem facere solitos ex stercore humano ad domos suarum meretricum, quod quam turpe sit ac scandalosum, nemo omnium ignorat.

In xxii. Epistolâ & in subsequenteribus jocantur cū gloria Domini nostri Jesu Christi & ejus resurrectione. Scribunt præterea, tunicam Salvatoris nostri, quæ est apud Treviros, antiquâ & pediculosam esse vestem. Tres etiam Reges beatissimos tres dicunt esse Rusticos ex Westphaliâ. Merdant super indulgentias Apostolicas & Fortalitium fidei, librum Ecclesiæ utilissimum, penitus detestantur.

In xxvii. Epistolâ Deum blasphemando, dicunt Matthæi xii. (id quod impossibile est) scriptum esse & in Sacris Literis contineri, quomodo Jupiter stupraverit Calistonem & Europæam virgines, tam turpiter Sancta Dei Evangelia vilipendendo, & Sacra Scriptura (id quod histriones non facerent) perditissimè abutēdo. Cadmum quoque adulterum, regem olim Thebarum & Bacchum omnis nequitiae atque im-

impudentiæ Deum Christo Salvatori nostro impiissimè comparant: Semelem insuper Jovis meretricem & Bacchi matrem dicunt significare Beatam Virginem Mariam, ut Judæorum more huc illuderent: item non erubescunt in eâdem Epistolâ scandalosè scribere, Pyramum (de quo est in fabulis Poëtarum) amantem prorsus hominem, significare Filium Dei, & Thisben quæ seipsam interemit turpi amore corrupta animam designare humanam, idque (quod est omnium pessimum) scriptum esse mentiuntur Luc. II.

In xxviii. Epistola abutuntur per derisionem sententiis Evangelicis.

In xxix. fit sacrilega enarratio de ascensione Domini & extremo judicio: & illusio quædam Apostolis ac Divæ Virgini.

In xxx. mentiuntur Sanctissimum Dominum nostrum LEONEM Papam X. indulgentias dedisse in rebus inutilibus, scandalose simul Sanctum Bonaventuram deridendo.

In xxxiv. inter alia mendacia ridiculè lo-

loqvuntur de aqvâ & sale benedictis, quibus tamen Sancta Mater Ecclesiâ utitur in pueris baptizandis.

In xxxv. effunduntur ea, quæ nemo histrionum dicere auderet in prostibulo.

In xxxvi. ridiculè etiam in sacrum loquentes Baptisma mentiuntur clarissimos Erphordensis studii Doctores determinasse, quod Judæo baptizato iterum renascatur præputium.

In ultimâ Epistolâ primi operis & primæ editionis omni iniquitate plenâ, scribit unus de numero Obscurorum Reuchlinistarum, se fuisse crinizatum ad pudenda sua à quodam Monacho, & alia quædam Sodomitica nefanda auditu, & pro quibus debetur poena ignis. Postremò idem ille nebulo Reuchlinista, nos rhythmicè ac ridiculè orare docet per nomen JESU Christi ac beatos Evangelistas.

Prætereo errores alios & infinita mendacia, quibus viros bonos diffamare conati sunt, ut Capnioni suo holocaustum offerre, & Oculari ipsius Speculo ab aliquot

Uni-


Universitatibus ad ignem condemnato, alludere videantur. Quas obsecro putamus in eorum additionibus nequitias contineri, & in aliis etiam Epistolis, à primis (de quibus modo mentionem fecimus) longè differentes.

Quòd si illi sunt de numero Obscurorum, quos ipsi in secundo suarum Epistolarum volumine apertè nominarunt. *Rarè quippe boni numero vix sunt totidem, quot Thebarum porta vel Divitis ostia Nili.* Doleant itaque & ingemiscant tam pestiferi ac plane spurcidici Reuchlinistæ, qui neque Deum timentes neque homines, optimos quosque suis convitiis ac mendaciorum sordibus deturpare voluerunt. At quid tantum de Obscuris, quibus nunquam credendum erit, etiamsi nova moliantur; Quibus inquam novæ indies à Sede Apostolicâ maledictiones incubunt, vel ob hoc maximè, quod turpissima etiam in Florentinos effudère; quasi parum fuisset ineptire, nisi & Summo Pontifici implicite illuderent. Non igitur à bonis aut sapientibus

entibus Poëtis, sed à pessimis quibusque
nebulonibus ac Pseudo-Christianis, tam
execrabiles sunt effusæ Epistolæ, quos ego
laudare non debui, quum Sacro-sancta Se-
des Apostolica iniquitatis eos filios esse de-
creverit. Vale Lector, & secundam me
Inquisitoris Apologiam, quæ Nundinis
fortasse nunc Septembribus exhibit in lu-
cem, in qua admirandâ quædam ac planè
obstupenda contra Capnionem invenies,
cujus etiam Cabalam plenam docet esse
erroribus. Colonia, anno M.ccccc.xviii.
tertio Kal. Septembres. Hæc Ort-
vvinus.

*Impressum Colonia, Anno M. ccccc.
xviii. in Augusto.*

item M. DC. xix. Ipsis Cal. Græc.



VA 1
151 7329